



सानसेयारि 'बड'सा' खरीलाइयाव  
अमाज्यादि जिउजो लोब्बा थानाय रुयथाय, खन्थाय,  
अल', अल'बाथा आरु हावबायारि थावनि, पार्क  
बाइदिनि सायाव लिखनाय लिखिबां दैथाय ठर!  
सानसेयारि 'बड'सा' खरीलाइया सेबखानावै  
फोखावगोन!

बड'सायाव लिखनायनि हुबा खालाम,  
'बड'सा' खरी नोथो, जो बयबो आंगो खालाम!

सानसेयारि बड'सा मावखुलि

माइबं नोगोर, जोहोलाव दैमालु लामा

कक्राझार, बिटिसि-783370

Website: www.bodosanewspaper.com

BODOSA ★ A Bodo News Daily ★ Saturday ★ 28 December, 2024 Kokrajhar, BTC, Assam ★ Vol.-33, Issue No. 271 ★ R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-

बिसगोनां फिथाइ  
जानानै सा 13  
फरायसाफोरा देहा  
फाहामसालियाव

बिजनी, 27 डिसेम्बर: चिंरां जिल्लानि बिजनी महकुमानि बर' बाजारनि सोल्लोथाय खोन्दोनि सिडव थानाय 2नं बेलगुरि गुदि फरायसालियाव सोमजिदो गिखानाय थासारि। फरायसालिनि सा 13 फरायसाफोरा बिस गोनां फिथाइ जानानै देहा फाहामसालियाव फाहामथाय लानादों। मिबथिनो मोनाय बायदिक्ला उन्दै-उन्दै फरायसाफोरा फरायसालियाव फेनानै साखाथियाव थानाय एन्दा फि थाइखौ जादों मोन। फरायसालियाव फोरोंगिरि फेथ'थै समाव फरायसाफोरा (□ 6 बिलाइआव)

## कक्राझाराव जागायबाय बैसो जानाय गेलेगिरिफोरनि आसाम इन्टार डिस्ट्रिक मास्टर्स एथलेटिक्स सेम्पियनसिप-2024 टुर्नामेन्ट

कक्राझार, 28 डिसेम्बर: बि टि आरनि राजथावनि गोजोननि नोगोर कक्राझारआव फिन राइज्योनां थाखोनि गेलेमु गेलेमुनि मोनसे थावनि जानायनि फोरमानखौ दिन्थिबावदों। कक्राझारनि काथालगुरियाव थानाय साइ स्टेडियमआव दिनेनिफ्राय जागायबाय बैसो जानाय गेलेगिरिफोरनि आसाम इन्टार डिस्ट्रिक मास्टर्स एथलेटिक्स सेम्पियनसिप-2024 टुर्नामेन्टआ। सोलिफु डिसेम्बर दाननि 27, 28, 29 आरु 30 अक्टुखालि सानत्रेनि हाबाफारिजों



कक्राझारनि साइ स्टेडियमआव खुंफुंजागोन बे आसाम इन्टार डिस्ट्रिक मास्टर्स एथलेटिक्स सेम्पियनसिप-2024 आ। बे बैसो जानाय गेलेगिरिफोरनि थाखाय खुनाय टुर्नामेन्टखौ दिने आसामनि



केबिनेट मन्थ्रि उर्खाव गोरु ब्रह्मआ बेखेवनै होयो। सानत्रेनि हाबाफारिजों कक्राझारनि साइ स्टेडियमआव खुंफुंजागोन बे आसाम इन्टार डिस्ट्रिक मास्टर्स एथलेटिक्स

सेम्पियनसिप-2024 आव आसामनि गासै गं 33 जिल्लानिफ्राय गोवां बैसो जानाय गेलेगिरिफोरा बाहागो लाफेदों। मख'जाथावदि, बे आसाम इन्टार डिस्ट्रिक मास्टर्स एथलेटिक्स सेम्पियनसिप-2024 आव फारियै शट पुट, हाइ जाम्प, लं जाम्प, डिस्कास ट्र' आरु खारनाय बादायलायनाय आयदाफोरनि सायाव जानो गोनां गेलेनाय बादायलायनाय 35 बेसोर बैसोनिफ्राय लानानै 95 बेसोर बैसो सिंनि गासै सा 1,208 गेलेगिरिफोरा बाहागो लाफेदों। (□ 6 बिलाइआव)

25 निफ्राय 30  
जानुवारीसिम  
मानास फोर्बो खुनो  
साखा-फारा  
'मानास बन्धुनि  
थाखाय लिरबिदां  
हांखायदों'

आनान्द बाजार, 27 डिसेम्बर: थानाय बोसोरफोरनि बायदि बे खेबावबो वाल्ड हेरिजेज साइट मानास माहारियायि पार्कआव फेगौ 25 जानुवारीनिफ्राय 30 जानुवारीसिम मोनसे गोसो बोनो हानाय बाहाफारिजों 'मानास फोर्बो 2025' खौ खुनो लाहार-फाहार जादों। गुबुन गुबुन हासिमायारिनि दोरोडारि मोसानाय-मुसुरनाय, सावराय जथुम, फालांगि मेला, बिजाब मेला, मान बाउनाय गोवलां, (□ 6 बिलाइआव)

नाग्रिजुली दख'रा एबसुनि 20थि  
बोसोरसालिया जुथुम्माया खुंफुंजाबाय  
सोल्लोथाइ बिथिडव खामानि मावनायजों लोगोसे समाज फोसाबनाय  
बिथिडवबो एबसुआ खामानि मावगासिनो दं: खनिन्द्र बसुमतारि

तामुलपुर, 27 डिसेम्बर: तामुलपुर जिल्लानि सिडव थानाय नाग्रिजुलि दख'रा दुलाराय बर' फरायसा आफादनि 20थि बोसोरसालिया जुथुम्माया नाग्रिजुलिनि सिडव थानाय खटरबारी माइनाव फोथारआव जोबनानै थांबाय। 26 आरु 27 डिसेम्बर आव साननैनि हाबाफारिजों खु'नाय बे बोसोरसालिया जुथुम्मानि दिने नैथि सानाव नाग्रिजुलि दख'रा दुलाराय बर' फरायसा आफादनि आफादगिरि अमरित रामसियारि बिथानि मासि लानानै सामलायनाय दिनेनि गोवलां मेलनि हाबाफारियाव गाहाइ आलासि महरै बाहागो लायो



दुलाराय बर' फरायसा आफादनि गाहाइ नेहाथारि खनिन्द्र बसुमतारि। गोवलां मेलनि हाबाफारियाव मेल बेखेवगिरि आलासि महरै बाहागो लायो

बरगयारिआ बाहागो लायो। हाबाफारियाव मिरु एबसुनिफ्राय फारियै बुंथिगिरि अबित नाजारी, सुबुं फोनांजाब नेहाथारि बिरखां नाजारी, लोगो गेलेमु नेहाथारि मनिराम बरगयारि आरु तामुलपुर जिल्ला एबसुनि आफादगिरि बासिराम रामसियारि लोगो आफादगिरि फुकन बर'जों लोगोसे मावथि हान्जा, ओन्सोलनि गोवां फोरोंगिरि, दैदेनगिरि, मेलेमजबि बिथामोन आरु गोवां राइजो-राजाफोराबो बाहागो लायो। मख'नो गोनांदि, गाहाइ आलासि महरै नुजाथिनानै मिरु एबसुनि गाहाइ नेहाथारि खनिन्द्र बसुमतारि आ (□ 6 बिलाइआव)

सुबुं सम्पद सोरजिनायाव गोजौ सोल्लोथाइआ  
सोलायस्तु बिफाव लायो: राइज्यो बेंगिरि  
तेजपुर मुलुग सोल्लोसालिनि 22थि कनभकेसन खुंदों

गुवाहाटी, 27 डिसेम्बर: गोजौ सोल्लोथाइआ सुबुं सम्पद सोरजिनाय, समाज आरु हादतखौ जौगाहोनायाव मोनसे गोनांथार सोलायस्तु महर लायो आरु तेजपुर मुलुग सोल्लोसालि बायदि गोवां मुलुग सोल्लोसालिफोरानो भिक्सिट भारतखौ जाफुंसार होनायनि बिथिडव बिफाव लागसिनो दड। बे बाश्राखौ बुंदों आसामनि राइज्यो बेंगिरि लक्ष्म प्रशाद आचार्यआ। दिने नापामआव खु'नाय तेजपुर मुलुग सोल्लोसालिनि 22थि कनभकेसननि हाबाफारिआव गाहाइ आलासि महरै बाहागो लानानै राइज्यो बेंगिरि आचार्यआ



गावनि बिबुंथि लाखिनाय समाव बुं'बावदोंदि, गोजौ सोल्लोथाइ लानाया गाव हारसि गियायन एबा कौशलनि थाखायल' नड। बबेखानि बेयो

समाज आरु हादतनि गासै बिथिडव जौगाहोनायनि थाखाय मोनसे गोहो गोर आगजु। तेजपुर मुलुग सोल्लोसालिनिफ्राय

उथ्रिसार जालानाये गासै फरायसाफोरनिमिसि हामब्लायथि जासिनानै राइज्यो बेंगिरि (□ 6 बिलाइआव)

उदालगुरि जिल्ला हाग्रा बिफाननि जुथाय  
नागिरसंनायाव आइन बेरेखा लामा  
जावनाय फगलेन आरु ट्रेक्टर बोखांदों



उदालगुरि, 27 डिसेम्बर: उदालगुरि जिल्ला हाग्रा बिफाननि जुथाये नागिरसंनायाव आइन बेरेखाये लामा जावबाय थानाय थासारियाव फगलेन आरु ट्रेक्टर बोखांदों मोन्दोब्लाबो फगलेननि जिपिएस बन्द' खालामना होनायाव जिल्ला हाग्रा बिफानआ जेनायाव गोल्लेदों। आसाम अरुणाचल सिमना ओन्सोल राय्टा फरेस्टनि दैसांगुरि हाग्रा गामियाव आइन बेरेखाये हाग्रा ओन्सोलनि हायाव लामा जावबाय थानाय थासारियाव (□ 6 बिलाइआव)

खामारदैसा प्राइमारि कमिटि इ.उ.पि.पि.एलनि गोदानै  
दाजानाय मावफुं आफादनि बिबानगिरिफोरा समायखिरा लाबाय

सिमला, 27 डिसेम्बर: बाक्सा जिल्लानि सिडव थानाय खामारदैसा प्राइमारि कमिटि इ.उ.पि.पि.एलनि गोदानै दाजानाय मावफुं आफादनि बिबानगिरिफोरा समायखिरा लाबाय। गोदानै दाजानाय मावफुं आफादनि आफादगिरि महरै हितेस्वर बसुमतारि, गाहाइ नेहाथारि महरै अमर बसुमतारि (ए) आरु नबजित गयारि (बि) बिथामोनहा दिने समायखिरा लायो। फेगौ थाम



बोसोर मावबिबान समनि थाखाय कक्लाबारि ब्ल'क कमिटि इ.उ.पि.पि.एलनि बेन्दोडव थानाय खामारदैसा प्राइमारि इ.उ.पि.पि.एलनि गोदानै दाजानाय मावफुं आफादनि आफादगिरि आरु (□ 6 बिलाइआव)

इउबिपिअनि 11थि बोसोरारि जथुम्माखौ  
गाजा-गोमजायै खुंफुंनो साखाफारासै  
थाग-थियारि हाबाफारिखौ नायगिदिहैदों इउबिपिअनि मिरु दैदेनगिरिफोरा

रडिया, 27 डिसेम्बर: बर' माहारिनि गुबुन मोनसे माहारियायि आफाद आरु बिटिआर गोरोबथानि सागानगिरि खौसेथि बर' सुबुं आफादनि 11थि बोसोर सालिया जथुम्माखौ देरलाय कामरुप जिल्लानि रडिया महकुमानि सिडव थानाय कलमपुर जाजिकनानि माइनाव फोथाराव खुंफुंनो थाखाय आबुडे साखाफारासै। फेगौ गोदान



बोसोर 2025 माइथायनि 7, 8 आरु 9 जानुवारिआव सानथामनि मेहेरगोनां हाबाफारिजों खुंफुं जानो गोनां बे 11थि बोसोर सालिया जथुम्माखौ जाफुंसारै खुंफुंनयनि थाखाय दासान्दि, थाग-थियारि खालामनायनि हाबाफारिया गोखोडे सालिगासिनो दड। बोसोर सालिया जथुम्मा खुंफुंनयनि थाखाय थाग-थियारि (□ 6 बिलाइआव)

जनजाति आरु आलादा कमतापुर राइज्यो दाबिनानै  
आक्रासुआ कक्राझार सहराव हान्जा सुरदों

कक्राझार, 27 डिसेम्बर: बिटिसिनि सदर कक्राझारआव कच राजबंसि हारिनो जनजातिनि मान होनायजों लोगोसे आलादा कमतापुर राइज्योखौ फिन दाफामफिन्नयनि दिने दाबि दैखंदों। मख'नो गोनांदि, कच राजबंसि एैक्यमन्सनि बान्जायनायाव आरु कक्राझार जिल्ला दुलाराय कच राजबंसि फरायसा आफाद (आक्रासु) नि हेफाजाबाव दिने मोनाबिलियाव



कक्राझारआव मोनसे गेदेत हेथा लामा हान्जा सुरनाय हाबाफारि लादों। मख'नो गोनांदि, माखासे मावफारिया-सोद्रोमाफोरनि हेफाजाब लानानै (□ 6 बिलाइआव)

बाक्सा धुपगुरिनि आजिरा  
मोनाय हाग्रा बिबानगिरि अभय  
चरण ब्रह्मआ रुंसारि जाबाय

भवानिपुर, 27 डिसेम्बर: बाक्सा जिल्ला सालबारि महकुमानि सिडव थानाय धुपगुरि गामिनि थागिनि आजिरा मोनाय हाग्रा बिबानगिरि, जर'खा समाज सिबियायि अभय चरण ब्रह्म (94) मैया बृहस्पतिबारखालि सानाव गावनि न'आवनो बैसो जानाय लेखा बेरामजों सनदेरजानानै जोबथा हां बोबाय। अभय चरण ब्रह्मआ 37 बोसोरनाडे हाग्रा बिबाननि फरेस्टर मासियाव साखि मावनानै 1991 माइथायाव फरेस्टर ग्रेड-1 मासिनिफ्राय आजिरा मोन्दोमोन। (□ 6 बिलाइआव)



जेका विगुर रानखानाय, गुरि रानखानाय एवा आथि आफा गावनाया जेना खालामो

अब्ला सभ लिननि

गुरे मुलायम क्रिमआ

विगुराव

भिटाभिन होयो, जौनाय लावोयो

आरो मोखानिफ्राय दागोफोरखौ जानगार खालामो

SOYOLIN

बिनिखायनो सभ लिननि क्रिमखौ सानफ्रोमबो बाहाय



## सुजुगिरिनि खोलोम

### मिथिंगा सोमख्रै लाखिनाया

#### बिफां-लाइफां गायनाय

सुबुं समाजाव मोनसे हुदाखौ अराय सम नुनो मोनो, बेनो जाबाय हाग्रा एवफ्रानाय आरो बिफां दानफ्रानाय आरो गामि फज 'नानै आबाद मावनाय। गामिनि सुबुंफोरनि बाथ्राल' नड टाउन सहरनि सुबुंफ्राबो खाबु लानानै हाग्रायाव हाबहैना दंफां दानना लाबोनाय आरो गुबुनो फानहरनाय हुदाया गोदो गोदायनिफ्रायनो सोलिबोगासिनो दड। दिनैसिमबो सुबुं समाजआ बे हुदाखौ नागरनो हायाखै।

सुबुंफोरनि बाथ्राल' नड, जिब-जुनात, दाउसिन दाउला, एमफौ-एनलानि थाखायबो हाग्रा, दंफां-लाइफां गानांथि दं। जिब-जुनातयाबो हाग्रा-बंग्रा, दंफां-लाइफां नडब्ला जैरै थावरिनो हाया, मानसि माहारियाबो जिउ खानो हाया। मिथिंगानि सोर्जिनायनि गेजेराव दंफां-लाइफां, हाजो-हाला, दैमा-दैसा, दैमु बाइदिसिना नडब्ला जिउ जुनातफ्रा दसेनि थाखायब्लाबो थाना थानो हानांगौया गोब्राब। हाग्रा-बंग्रा, दैसा-दैमु गैयाब्ला बुहुमनि आबहावाआबो जिउ-जिराद थाना थानो हायै बाइदि गुबुंले जालानायनि मिजिं दं।

सुबुं समाजया दंफां-लाइफां सायाव जैरै बाइदि सोनारो बेखौ साननो रेंब्ला हाग्रा-बंग्रानि सायाव बे रोखोमनि अनगार उतखारा सोमजिनाय नडमोन। हाग्रामाआव दंफां लाइफांनि अनगायैबो गोबां रोखोमनि जिब-जुनात, दाउसिन दाउला, एमफौ-एनला, मैगं-मैला, थायो। गामिसिबोखौनो मानसि माहारिनि गोनां जिउ खानायव नांगौ जायो। सुबुं समाजया नांगौखौल' मिबथिनो रेंबाय नाथाय, बेफोर गोनां मुवाफोरखौ रैखा खालामनो दासिमहालागै सोलोडखिसै मानो ?

मोनसे सोनाय फैयो, दंफां-लाइफांखौ दानफ्रानो सोल्लोने रेंगौब्ला, बेफोरखौ गायनो सोल्लोने मानो रेंदिया ? गोदो-गोदाय आबै-आबौमोननि बिबै-बिबौफ्रा गायना गालानाय दंफां-लाइफांफोरखौ हागौमानि दानफ्रानानै लांदां खालामजोब्याय। हाग्रामा गैयालय जिब-जुनार, दाउसिन दाउलाफ्रा थानो जायगा मोनैलाय गामि गामि हाबफैना बुथारजाबाय,खायफाया उतखारबो खालामफैबाय। नाथाय कम्पउटार, इन्टारनेट मुगानि सुबुंफ्रा सानखानो रोडखिसै मानसिनो थानो जैरै न'-बां नांगौ, जुनातफोर थानो थाखायबो हाग्रामा नांगौ। थानाय आरो सोलिफु मुगाआव जा जालांबाय जालांबाय, इयुन जोलैफोरनो दंफां-लाइफांनि गोनांथिनि सोमोन्दै मोजाडै गियान होनो रेंनांगोन आरो बेफोरखौ माब्रै गायनांगो, फोथानांगो, फेदेरनांगो, राहोनांगो, आरो माब्रै रैखाथि होनांगो, गोथौयै फोरेंनांगोन, मिन्थिहोनांगोन।

## दिनैनि फान्जामुथि

### राशि बाइदियै मुनि गिबि हांखो

**मेघ :** अ ल **बुध :** ऊ ब (उ ए इ) **मिथुन :** क छ (ड घ) **कर्कट :** ड ह **सिंह :** म ट **कन्या :** प ट (ण ष) **तुला :** त र **वृश्चिक :** ब न **धनु :** ध भ (ङ फ) **मकर :** ख ज **कुम्भ :** ग श (स) **मीन :** द च (ख ज झ)

-  **मेघ:** जैरैबो जेना-जैसि गैया शान्तियै थानो हागोन। जेखि मावा जौगानायखौ मोनो हागोन।
-  **बुध:** माबाफोर जेनायाव गोग्लैनो हागौ। गोसोखौ अशान्ति मोनगोन। गोसोखौ हमथा।
-  **मिथुन:** माखौबा लानानै जिंगा सिनांनो हागौ। जेखियानो जाया गोसोखौ हमथा।
-  **कर्कट:** जेरावबो गोहो-बोलोखौ मोनो हागोन। गोजोन्नयखौ मोनो हागोन। मोजां सान।
-  **सिंह:** हरखाबै माबाफोर मुवा-बेसाद मोनो हागोन। गोसोखौ गोजोन मोनगोन। मोजां सान।
-  **कन्या:** सोरजौबाफोर दावराव-दावसि जानो हागौ। गोसो हमथानानै थानायाना गाहाम।
-  **तुला:** बेफार फालागि मावनायाव रांखावरि मुलाम्फा मोनो हागोन। बे राशिनि थाखाय मोजां सान।
-  **वृश्चिक:** मोजां रेंग'थि जानो हानायनि मान मोनो हागोन। गोजोन मोनगोन। मोजां सान।
-  **धनु:** गोसोआव बायदिसिना सान्नाय सोमजिनो हागौ। गोसोखौ शान्ति मोन्याय नड। गोसोखौ हमथा।
-  **मकर:** मानिबा खामानिनि थाखाय सोरजौबाफोर लोगो हमनो गोनां जागोन। सान्नाया जाफुंगोन। मोजां सान।
-  **कुम्भ:** मानिबाफोर केसनि जेना दडबा जोबखानाय फैगोन। गोसोखौ गोजोन मोनो हागोन।
-  **मीन:** बहाबाफोर दावबायहैनो मोनो हागौ। गोजोन्नय मोनगोन। मोजां सान।

# आं जैरै नुदौ

( नोरजिया सोल्लोथाइ ! )

-नरेन बर'

समाज, हारि, हादतआ मजबुट जानांगौब्ला मोजां सोल्लोथाइ लानो नाजानांगोन, मोननो हानांगोन। मोजां सोल्लोथायासो मोजां लामाखौ दिन्थिनो हायो आरो समाज, हारि, हादतखौ जौगाहोनो हायो। सोल्लोथाया सुबुं समाज सोदोमसिनि जांख्ला। सोल्लोथाइ आरो सुबुं समाज बियो बिजो गोथौ सोमोन्दो थायो आरो सोनारलाइनानै सोलियो। सोल्लोथाया सुबुं समाजनि हास्थाइनाइखौ मोनफुनाइ आरो दावगानाइन लामाखौ एवफ्रानानै दैदेनलाडे। बेनि थाखाइ फोरेंगिरिनि बिफाव थायो आरो फोरेंगिरिखौ गोनांथार जायो। "फोरेंगिरिया गंसे ममबादि, जाइ जौनानै (खामनानै) गुबुननो सोरां होयो" बाथ्रालौ तुर्कीस्टाननि गनतन्त्र गाइसनगिरि बिफा आरो गिबि हादतगिरि मुस्तफा केमाल आथातुर्कआ बुंदोमोन। सोल्लोथाइखौ होनोब्ला एवा लानोब्ला फोरेंगिरिया गोनांथार आरो बिसोरखौ समाजआव जाइगा होनानै, सनमान होनानै दोननो हानाया गोनांथार बेखौ साननानैनो ड सर्वेपल्लो राधाकृष्णनआबो गावनि जोनोम सान 5 सेप्टेम्बरआव फोरेंगिरि सान महरै फालिनो बोसोन होलादो आरो बेबादिनो हादतआ सोल्लोथाइनि बेलायाव दावगानो खाबु मोनदो। इनेस्क'आबो फोरेंगिरिफोरखौ मान होनाइ बिदिन्थि हिसाबै 5 अक्ट'बरखौ "बुहुमनां फोरेंगिरि सान" फालिहोनानै फोरेंगिरिफोरनो मान बावबोदो। फराइसा आरो फोरेंगिरिनि सोमोन्दोया नैथि बिमा-बिफानि सोमोन्दोखौ फोथानानै दोनबोदो, जाइ सोमोन्दोया जोनोमहोगिरि बिमा-बिफानिखुइ इसेबो खम नड। बे गोखौ सोमोन्दोनि थाखाइनो फराइसा आरो फोरेंगिरि समाजआ नांगौ गियानखौ होलाइनो-लालाइनो हादो आरो बे सोमोन्दोनि थाखाइनो हारि-समाजआ दावगानो खाबु मोन्दो। बे सोमोन्दोनि थाखाइनो दिने हादतआव गोबां गोनोखोयारि, डक्टर, इन्जिनियार, दार्शनिक, राजखान्थियारि, रांखांथियारि, थुनलाइगिरि, फालांगियारि जोनोम मोनलांबाइ आरो दिनेबो जोनोम मोनगासिनो दड, इयुनावबो जोनोम मोनबाइ थागोन। बिसोरनो दिने हादतखौ सामलाइ लांबाय, सामलाइदो आरो इयुनावबो दैदेनलांगोन। बेनिखाइनो कलिन उडलकक्सआ बुंदो- "फोरेंनाया मिजिं (आसा) नि गोनांसिन्थार हाबा।" नाथाइ दिनेनि दिनाव फोरेंगिरि समाजनि सायाव सरकारनि बाहाइनायखौ मोजां नुयाखै। फोरेंगिरि माने गावनि बिबानखौ मावनायाव नेवसिग्रा, फोथाइखेबस' खालामग्रा बेफोरबादि साननाइ, बाहाइनायखौसो नुनो मोन्दो। सिगानि समफोरव फोरेंगिरिफोर जैरैबादि सनमान होजायोमोन, मानि जायोमोन बेफोरखौ गोमालानाइबादि नुदो। सरकारनो सरकारि फराइसालिफोरखो गुरुत्व गैया खालामनाइबादि नुदो। फराइसालिफोरव फोरेंगिरिया मोजां रोखोमै गोसो फज 'नानै फोरेंनाइ, सोल्लोथाइ होनायनि थाखाइ थासारिखौ दिने खोमानो नाजानाइबादि नुदो। सेबानि केलेन्डाराव खानानै होखानाइ हाबाफारिनि अनगायैबो सानफोमबो गोदान गोदान हाबाफारि, बाइदिसिना ट्रेडिनि, उस्मब जाबसिनना मावहोनाया दिने हुदायाव सोलाइलांबाइ। बिथोनफोरखौ समनि गेजेराव मावफुडब्ला दाइ हमजायो। बिथोनफोरखौ मावफुनो फराइसालियाव सुबिधा दंन

गैया बेजो बाथ्रा गैया, जैरैखि जाया मावफुनांगौ। जाइनि थाखाय असम सन्मिलित शिक्षक मण्णआ बे बिथोनफोरखौ "Whatsapp सन्नास" होनानै बुंनो गोनां जादो। गुनुउत्सवआव C, D ग्रेड मोननाइनि थाखाइ फराइसालिनि गाहाइ फोरेंगिरिफोरखौ राजहुवाभाबै मुंसुनाइ, मेत्रिक आन्जादआव खम जौखोन्दो मोननाइनि थाखाय राजहुवाभाबै डबि-हुमकि होनायफोर दिने सरकारनि एवा गोजौ थाखोनि अफिसारफोरनि रुटिन जालांबाय। आन्जादिनि फिथाया बोसोरफोमबो रोखोमसे जाया। बेनि थाखाइ फोरेंगिरिफोरखौ बेफोरबादि राजहुवाभाबै मुंसुनाइ, डबि-हुमकि होनाइफोर बेसेबां गनाइजाथाव जादो साननो गोनां। फोरेंगिरिफोरखौ राजहुवाभाबै मुंसुनाइफोर फोरेंगिरिफोरनि गोसोनि बोलोखौल' सिफाइनानै होनाइ जायाखै, फराइसा, बिसोरनि बिमा-बिफा एवा राइजो राजानि सेराव बै फराइसालि एवा फोरेंगिरिफोरनि फारसे फोथाइनाइखौ गैया खालामनो मेसेज होनाइ, हरनाइ जादो। बेयो सोल्लोथाइ लानाइ-होनायाव थौंजोडै गोहोम खोल्लेगोन आरो फे गौ समफोराव सरकारि बिजोनि फराइसालिफोरव फराइनाइ-सोल्लोनाइ थासारिया गोमालानाइन आसा दड।

गुदि फराइसालियाव फोरेंगिरि गैयालासिनो सोलिनाइ फराइसालि दिनेबो दड आरो खाइसे फराइसालिया सासे-साने फोरेंगिरिजो सोलिनाइ। बेबादिनो गेजेर आरो गोजौ फराइसालिफोरनि हालोद। फारसेथि मोनसेनि उनाव मोनसे गोदान गोदान सरकारनि जाबसिननाइ हाबाफारि। बेबादि थासारियाव फराइसाफोर माबादि सोल्लोथाइ लानो हागोन साननो गोनां। बेफोर हाबाया फराइसाफोरखौ अबं ग'साइनाव बिनानै ला होनाइ बादि जायाखै होमबा ? बेबादिवाय गुनुउत्सव एवा मेत्रिक आन्जादआव आन्जादिनि मोजां रिजाल्ट नागिरनानै फोरेंगिरिफोरखौ मेन्टेल प्रेसार होबाइ थाब्लानो सोल्लोथाइनि फिथाया मोजां जागोन बोरे ?

फराइसालिफोरव नांगौ रोखोमनि फोरेंगिरि गैयाखौ नुखानानै, क्लास जायैखौ मिथिखानानै गोबां गार्जेनफोरनो गाव गावनि गथ' गथाइखौ सरकारि फराइसालिफोरव मुं थिसनलिया, जाहोनाव गोबां फराइसालिफोरवनो फराइसा गैया जालादो। सरकारि बे जेनाखौ गोथौयै नाइबिजिनानै सुखानो नागरे गोदान सोल्लोथाइ पलिसिनि द'हाइ होनानै 8 रोजानिबो बारा फराइसालिफोरखौ गुबुन फराइसालिफोरजो सरजाबनानै होबाइ। बे पलिसिया बर' बिजोनि थाखाइ बांसिनै खैफोद गोनां, बेखौ जर'खायै साननो गोनां दड। जि गनैसो फराइसालि थानानै दड बेफोरवबो सानफा एफा फराइसाफोर खमाइलांगानिनो दड। बे खमाइलांगानाइ फराइसालिनि फोरेंगिरिफोर नख'र-नख'र थानानै फराइसाफोरखौ गाव गावनि फराइसालियाव एडमिसन होनो बिमा बिफाखौ खावलाइहेनो गोनां जादो, नाथाइ बेबादि खालामसेयावबो बेनि जेबो मोजां फिथाइ मोनाखै, मोनगोन होनानैबो आसा खालामनो हाया। बेफोरनि थाखाइबो गाहाइ फोरेंगिरिया जबाब होनो गोनां जायो। शिक्षा सेतु एफनि गेजेरजो फराइसा आरो फोरेंगिरिफोरनि नुजाथिनाइखौ लानायबो जेनाजो बुंफननाइ। बे एफनि गेजेरजो फोरेंगिरिफोरनि नुजाथिनाइखौ लानायव बारा बुंनो गोनां गैयाब्लाबो फराइसाफोरनि बेलायाव जेना दड। बे एफजो गथ'फोरनि नुजाथिनाइखौ लानायवबो गोबां सम नस्ट' जालानाइन थाखाइ क्लास लानायव जेना नुजादो। थाखोआव नांगौ बिजाबफोरखौ सम मथे हरनो हायैनि जेनायाबो सोल्लोथाइ होनाइ, लानायव हेंथा

होदो। बबेखानि बबेबा सरकारखौल' दाइ होजोबनो थांब्लाबो जानाइ नड। माखासे फोरेंगिरिफोरनियवबो दाइआ दड। बिसोरो गावनि खामानिखौ एराइनानै सोलिनो नाजायो आरो जाइखि जाया बाहाना दिन्थिपलानानै दरमाहाखौल' नैयो। मुगाजो खबजानाइ गियानफोरखौ सोल्लोने आरो फोरेंनो नाजानाया, अलसिया खालामो। गावनि संसारखौल' सिन्था खालामनानै बेस्ट' थानो नाजायो। नाथाइ फोरेंगिरिनि बिबाना जाबाइ गोजौआव बुंनोनाइ ममबादि बादि जौनानै गुबुननो सोरां होनो हानायवसो जाफुंसारो। बेनि थाखाइ गावखौ बावसोमनो हानांगोन। रोडेखौ सोल्लोनांगोन, रेंनाइखौ फोरेंनांगोन। सासे फराइसालि लोरबांथि आरो सांग्रांथिखौ जैरैखि जायाब्लाबो हमदांनो नाजानांगोन आरो बेबादिनो गथ'खौ दावगाहोनो रहा लानांगोन। गावनि फोरेंनो गोनां आरो मावनो गोनांखौ एराइनानै थानो नाजानाया सासे फोरेंगिरिनि खामानि जानो नाइ। गावनि कर्मखौसो धर्म होनानै सानना लानो हानांगोन। गासै फराइसाखौनो गावनि आंगो गथ' होनानै मानिना लानो हानांगोन। सासे फराइसालि दुखुआव दुखु जाफानो हानांगोन, गावनायाव गावफानो हानांगोन, मिनिनायाव मिनिफानो रेंनांगोन। फराइसालियानो गावनि आंगो न' होनानै मानिनो हानांगोन आरो फराइसाफोरनो गावनि नख'र, समाज गासिबो होनानै गनाइना लानो रेंनांगोन। सानैसो बेबादिबो फोरेंगिरि दड, गावनि गथ'खौ प्राइभेट मेडियामाव होनानै बे गथ'खौ लालाइ-लाबोलाइ खालामनानैनो गावनि फराइसालिनि क्लास लानाइ फारसै गोसो गैया दिन्थियो। बेफोर सासे फोरेंगिरिनि मावनाइ जानो नाइ। गाव बर' बिजोनि दरमाहा जानानै गावनि गथ'खौ गोरो खालामनाइनि मुडाव बबेबा इंगिजि बिजोडाव होनाया सासे बिबेकभान फोरेंगिरिनि हाबा जानो हाया। नुनायावबो गात्रि नुयो।

समाज, बिमा-बिफा एवा राइजो राजानिफ्राइ मोजां मान-सनमान मोननोब्ला, समाज, हारिखौ फोसाबग्रा-दैदेनग्रा होनानै सानजानोब्ला फोरेंगिरिफोरनि मावनाइ दांनाने, आसार आखुफोरबो बेबादिनो गनाइथाव जानांगोन। गावनि जोलैखौ गोरो खालामनो थानानै गोखि-गुन्दाइनि फिसाफोरखौ गारसोना दोननो नाजायोब्ला समाज एवा राइजो राजाया मा गोसोजो सनमान होनो ? फोरेंगिरिनि मानदान्द खमाइलानाइफोर बेफोरबो नड होमबा ? प्राइभेट मेडियामाव हरालासिनो गावनि गथ'खौ गावनि फराइसालियावबो फोरेंनानै गोरो खालामनो हानायवसो फोरेंगिरिनि आदर्श आ थानानै थागोन आरो बेबादि हाबाखौ नुयोब्लासो राइजो राजा, फराइसालि बिमा-बिफायाबो फोरेंगिरिनि फारसे फोथाइनाय फैगोन। सनमान होनो लुबैनाइ फैगोन।

सरकारनि गोरोन्थि पलिसिनि थाखाइनो जा एवा सानैसो फोरेंगिरिफोरनि थाखायनो जा एवा रायजो-राजा, समाजनि थाखायनो जा सरकारि सोल्लोथाइ बेबस्थया नोरजिया जायोब्ला बेजो बबेबा गोखि गुन्दाइनि फिसाफोरनि'ल' ख'हा जानाय नड, बियो गासै आबहावाखौनो गुबुंले खालामगोन। सरकार, फोरेंगिरि, समाज, हारि रावबो बारा'नाय नड। सोरबाया गावखौ लानानै जेसेबांखि गोजो सिमां नुआथो, डिजिटेलनि बाथ्रा रायलायाथो बेफोर गासैबो हेंथा मोनगोन। गावनि आर्थिआव गावनो रुवाजो दानना लानाय जागोन।

## आमेरिकानि बरा' हादतगिरि अबामाआ डु मन महन सिंहखौ बाख्नायदोमोन

**गोदान दिल्ली, 27 डिसेम्बर :** भारतनि बारा' गाहाइ मन्थि डु मन महन सिंहआ दिल्ली एम्सआव बृहस्पतिबारखालि रुंसारि जाबाय। हादतखौ रांखांथियारि खैफोदनिफ्राय रैखाथि होनायनि थाखाय मन महन सिंहनो जर'खा मान होनाय जायो। बेनिखायनो बिथानि रुंसारि जानायव 7 साननि थाखाय माहारियारि दाहा सान फोसावनाय जादो। बे थांखिखौ मिरु सरकारा फोसावदो। मख'जाथावदि, मन महन सिंहखौ बाख्नायना बै समनि आमेरिकानि हादतगिरि बराक अबामाआ बुंदोमोनदि, जेब्ला मन महन सिंहआ बुडे अब्ला गासै मुतुगआनो खोनासडे। अबामाआ गावनि बिजाब 'ए प्रमिस लेन्ड' आवबो मन महन सिंहखौ गोबां बाख्नायदोमोन। डु सिंहखौ भारतनि रांखांथि बेब'स्थानि मर्डानाइजेशननि इन्जिनियार होनानैबो अबामाआ बुंदोमोन। फारसेथि रांखांथियारि फोसावनायनि अनगायै राजखान्थियारि अजद होनायनि उनावबो आमेरिकानि जाफुंसारि हादतगिरि एपिजे आबुदुल कालामनि मदतजो बिथाडा माखासे दोलोफोरखौ गनायथि होनायाव जाफुंसार जादोमोन। बै समाव समाजवादि पार्टीआ सरकारखौ बायजोनिफ्राय मदत खालामदोमोन। गोबां दान्थे-बिदान्थेनि गेजेरजो डु सिंहआ निउक्लियार गोरोबथाखौ जाफुंसार होदोमोन। सन्जय बारुनि बिजाब 'दा एक्सिडेन्टल प्राइम मिनिस्टर' आव बिथाडा लिदोदि, गुन्दासा रदायआव डु मन महन सिंहनि थांखि लानायजो सनिया गान्धीनि आखायनि फुथुला होन्याय बिथानि सावगारिया सुबुंफोरनि गेजेरनिफ्राय गोमोरलाडो। जोबथानायव मन महन सिंहआ राजा जादोमोन। बे रदायजो भारत आरो आमेरिकानि सोमोन्दोआ जौसिन फारसे दावखोलाडे। मख'जाथावदि,



थानाय कंग्रेसनि दैदेनगिरिफोरबो गारांसेयै अजद होदोमोन। कंग्रेसनि गागि दैदेनगिरि सनिया गान्धीआबो बे रदायनि हेंथामोन। लेफ्ट फ्रन्टआ बे रदायखौ हेंथा होनानै सरकारनिफ्राय गावनि मदत होनायखौबो बोखारना लादोमोन। बायदि जेनानि गेजेरावबो नाथाय मन महन सिंहआ बे गोखौ थांखिनिफ्राय दोरोराखै मोन। बै समनि हादतगिरि एपिजे आबुदुल कालामनि मदतजो बिथाडा माखासे दोलोफोरखौ गनायथि होनायाव जाफुंसार जादोमोन। बै समाव समाजवादि पार्टीआ सरकारखौ बायजोनिफ्राय मदत खालामदोमोन। गोबां दान्थे-बिदान्थेनि गेजेरजो डु सिंहआ निउक्लियार गोरोबथाखौ जाफुंसार होदोमोन। सन्जय बारुनि बिजाब 'दा एक्सिडेन्टल प्राइम मिनिस्टर' आव बिथाडा लिदोदि, गुन्दासा रदायआव डु मन महन सिंहनि थांखि लानायजो सनिया गान्धीनि आखायनि फुथुला होन्याय बिथानि सावगारिया सुबुंफोरनि गेजेरनिफ्राय गोमोरलाडो। जोबथानायव मन महन सिंहआ राजा जादोमोन। बे रदायजो भारत आरो आमेरिकानि सोमोन्दोआ जौसिन फारसे दावखोलाडे। मख'जाथावदि,

## रोजा बरफ गोग्लैनायजो उत्तरखान्डआ समायनासिन महर लादो

**देहरादुन, 27 डिसेम्बर :** गोजौ हाजो ओन्सोलफोरव थानाय माखासे साननिफ्राय बरफ गोग्लैनायनि जाहोनाव उत्तरखान्डनि सुबुंफोरबो गुसु सुहाबनायजो मोगा-मोगि जानादो। फारसेथि फ्रि-फ्रि बरफ गोग्लैनायजो बिदुआबो दावखलायदो, मोनाबिलि समाव निहिर गोग्लैनायजो सुबुंफोर जेनाआव गोग्लैदो। लोमोसेनो गुसु बार बारनायजो गंगा मोन्याय आरो गुजुनाय बायदि माखासे जेनाफोरजोबो सुबुंफोर भुगिनादो। थानाय सानफोरव नागतिब्ला, धनलिट, केदारनाथ, बद्रिनाथ, गंगि बायदि जायगाफोरव गोबां बरफ गोग्लैदो। बेनि उनाव देहरादुन आरो बेनि खाथि-खाला ओन्सोलफोरव गुसुआ बांसिन जायो। अदेबानि सानजौफु समाव सान्दु ओंखारनायजो एसे-एने रेहाय मोनोब्लाबो फुं आरो मोनाबिलि समाव जोबोद गुसु सुहाबनायजो सुबुंफोर



जेनायाव गोग्लैयो। अदेबानि बरफ गोग्लैनायजो उत्तरखान्डआ आरोबाव समायनासिन महर लादो। बे बरफ गोग्लैनायखौ दावबायारिफोरबो इन्जय खालामदो। बेनि गेजेरजो आथिखालाव ट्रेकिं खालामग्राफोरनि अन्जिमाखौ

**NAME CORRECTION**

That, my actual/correct name and surname is CHANDRABATI BRAHMA, which is recorded in my Aadhaar Card, Vide Card No.- 6767 0703 4716 and other relevant documents.

That, in my Land Documents / Periodic Khiraj Patta, covered by Dag No.- 268, Patta No.- 884, situated at Village- Boro Bhatmari under Kokrajhar Revenue Circle, Dist. Kokrajhar, BTR, Assam, wherein my name and surname has been recorded as CHANDRABATI BASUMATARY instead of CHANDRABATI BRAHMA.

That, I do hereby declare that CHANDRABATI BRAHMA and CHANDRABATI BASUMATARY is the same and one identical person, who is none other but myself.

**Chandrabati Brahma**  
**W/O.-Lt Harendra Basumatary**  
**Vill.- Simangpuri**  
**P.O.-Titaguri**  
**P.S. & Dist.- Kokrajhar, BTR, Assam**  
**PIN-783370**

**NOTICE**

No. AESRB/064/2024/769  
 Assam Engineering Service Recruitment Board [AESRB] invites online application through the official website of AESRB ([www.aesrb.in](http://www.aesrb.in)) by the permanent residents of Assam and having requisite qualification for recruitment to vacant posts of **Librarian (18 Nos.)** in the Government Polytechnics under Higher Education Department, Government of Assam.

The details of the caste/category wise vacancy, eligibility criteria, pay scales, instructions to apply etc. will be made available in the official website of AESRB ([www.aesrb.in](http://www.aesrb.in)).

Online application shall be accepted from 3<sup>rd</sup> January, 2025. Interested candidates are requested to visit the official website of AESRB only for applying.

Further, interested candidates are also requested to visit the official website of AESRB frequently for any future notifications.

The last date for submission of online Application is **20<sup>th</sup> January, 2025.**

Sd/- Member Secretary  
 Assam Engineering Service Recruitment Board  
**Janasanyog/D/11152/24/28-Dec-24**



# ॐ मन महन सिंहआ हादतखौ रांखान्थियारि खैफोदनिफ्राय रैखा खालामदो: गाहाइ मन्थि मदि

गोदान दिल्ली, 27 डिसेम्बर : गाहाइ मन्थि नरेन्द्र मदिआ बाराग' गाहाइ मन्थि मन महन सिंहनि रंसारि जानायाव गोथौ दुखु मोन्नाय फोरमायदो। बिथाड सिंहनि न'आव थानाँ बिबारो बाउदो। गाहाइ मन्थि मदिआ बुंदोदि, ॐ मन महन सिंहनि रंसारि जानाया हादतनि थाखाय दुखुनांथाव। बिथानि नख'र आरो आंगोफोरनि फासे गोसो गोबोनिफ्राय दुखु फोरमायदो। बेजो लोगोसेनो मन महनसिंहआ रांखान्थि खैफोदनिफ्राय हादतखौ बायजोआव लाबोदो होनाबो मदिआ बुडे। मख'जाथावदि, बाराग' गाहाइ मन्थि मन महन सिंहआ बृहस्पतिवारखालि रंसारि जायो। गाहाइ मन्थि मदिआ बुंवावदोदि, मन महन सिंहनि जिउआ बिथानि



फोथाइजाथाव आखु आरो गेबे लामाजो हाबा मावनायनि थाखाय मिबथि जादोमोन। बिथाड सासे गोखो एमपिबोमोन। माबोरै सासे सुबुआ आंखाल आरो जुजिनानयनि गेजेरजो गसंथाना जाफुसाराया मोनो हायो बेनि फोरैथाइखौ जो मन महनसिंहनि जिउनिफ्राय मोनो हागोन होनाबो बिथाड

बुडे। बृहस्पतिवार मोनायाव बाराग' गाहाइ मन्थि रंसारि जानाया खौरां मोन्नायनि उनावो गाहाइ मन्थि मदिआ मोनसे इमशनेल मेसेज लिदोमोन। सशेल मिडिया प्लेटफर्म एक्सआव बिथाड लिदोदि, भारतआ गावनि बयनिखुइबो मुंदांखासिन

देदिनगिरिफोरनि गेजेरजो सासे ॐ मन महन सिंहनि रंसारि जानायाव दुखु मोन्नादो। सरासनस्रा फोथारनिफ्राय गावनि नाजानायजो आवगायबोनानै बिथाड सासे मुंदांखा रांखान्थिगिरि जानो हादो। सिंहआ रांखान्थि मन्थिजो लोगोसे गुबुन गुबुन सरकारी

मासिफोराव हाबा मावदोमोन आरो गोबाव बोसोरसिम जोनि रांखान्थियारि थाखाय गावनि गोथौ रोंग'थिनि आगान गालांबाय। संसदआव बिथानि बिबुंथि एबा बिफाव लानाया जोबोद बाखायथावमोन। गाहाइ मन्थि महेरबो बिथाड हादतनि सुबुंफोरनि जिउखौ फोखौखानायनि थाखाय गोखो नाजादो। फासेथि मिरु सरकार बाराग' गाहाइ मन्थि मन महन सिंहनि रंसारि जानायाव 7 साननि थाखाय माहारियारि दाहा सान फोसावदो। बाराग' गाहाइ मन्थि जोबथा बिदायखौ आबुं मान होनायनि गेजेरजो खालामनाय जागोन। सुलुंनि बायदिल्ला शुकुबाराव जानो गोनो गासैबो सरकारी हाबाफोरिखौ केन्सेल खालामनाय जाबाय।

# चीनआ मुलगनो गनै रहस्य गोनो उं दिन्थिदो

वेइजिं, 27 डिसेम्बर: चीननि उं बानायग्रा गनै कम्पनीफोरा बृहस्पतिवार 24 घन्टानिबो खमसिन समनि गेजेरजो स्टील्थ (राडारनिफ्राय थाखोमानो हानाय) दावहा नांग्रा उं जाहाजफोरनि मडेलेखौ दिन्थियो। बेयो सरासनस्रा मडेले नडा मोन। सशेल मिडियाआव बेयो 6थि जोलैनि उंफोरनि मडेले जानो हागौ होना सावरायदो। चेंदु आरो शेनयां कम्पनीफोरनि बे गुबुन-गुबुन डिजाइनआ दासिमनि बयनिखुइबो गोदानसिन सुबुं थांफानाय दावहा नांग्रा उंफोरनि गेजेरजो मोनसे जानो हागौ। चीन सान्थिया सरासनस्रायै डिसेम्बर एबा जानुवारीयाव गावसिनि टेक्नीकखौ दिन्थियो। बिदिन्थि महेर 2011 नि जानुवारीयाव



चेंदुनि जे-20 स्टील्थ फाइटरनि गिबि सावगारिफोरखौ अनलाइन फोसावदोमोन। बृहस्पतिवार मोनसे समावो गनै गुबुन गुबुन सुबुं थांफानो हानाय स्टील्थ फाइटर जेटखौ उरायनाय नुनो मोन्दो। चेंदु मडेलेजो लोगोसे गंसे जे-20 एस्कर्ट डेमोन। गनैबो गोदान

मडेलेआ लानजाइ गैयै डेल्टा महरनि। बेनि पांका आरो गासिबो कन्ट्रल बाधनआ मोनसे गोथो लाइनआवो थायो आरो गोजो-गाहाइ जाया। बेजो उंरनि राडार सिगने चारखौ खम खालामनो हागौ, नाथाय एयार डायनेमिक्सआ गोखो जानो हागौ।

## लैथोमा थालानि गोथौसिम भारतआ सुबुं मिशन दैथाइ हरगोन

हाइड्राबाद, 27 डिसेम्बर : मिरुनि मन्थि जितेन्द्र सिंहनि बुंनय बायदिल्ला मिरु सरकार गोथौ लैथोमायाव सुबुंखौ दैथाइहरनायनि यजना बानायदो आरो बे मिशनआ 2026 नि जागायजेन्नायाव मोगथां महर मोनो हागौ। बे मिशनाव मिरु सरकार सा 3 सुबुंफोरखौ गिबियै लैथोमा थालानिफ्रायबो 6 रोजा किल'मिटर गाहाइथाव दैथाइहरनायनि थियारि खालामदो। मख'जाथावदि भारत सरकारनि भुम बिगियान



मावख'आ बे यजनाखौ थालानि रेका आरो बेनि गुवार मावख'यारि महेर 2023 आव फोसावदोमोन। भारतनि 7,500 किल'मिटर गोलाव लैथोमा

सरकारा बे नाजानायफोरखौ हेफाजाब होनायनि गेजेरजो मोनसे गोखो बिथानि सायाव खामानि मावगासिनो दं। इसर'आ भारतनि स्पेडेक्स मिशनखौ श्रीहरिक तानि चतिश धावन अखामा मिरुनिफ्राय फेगौ 30 डिसेम्बराव लन्च खालामगोन। बे मिशननि गेजेरजो गनै फिसा अखामा यान पिएसएलभि-सि60 रकेटजो खेबसेयैनो लन्च खालामगोन।

## राइज्यो सरकारनि नाजासेयावबो फरायसालि नागारनाय जेनाया बांदो

गुवाहाटी, 27 डिसेम्बर : आसामाव फरायसालि नागारनायनि हारआ मोनसे गोब्राब जिंगानि आयदा जानानै दं, जेराव सा 68,843 फरायसाफोरा फरायसालि नागारनायनि खौरां मोन्नाय जादो। 2024 आव सा 25 गथ'फोरा फरायसालि नागारदो होना मिबथिनो मोन्दो। मिरु सोलोथाइ मावख'नि बायदिल्ला, साहा बागान थानाय ओन्सोलफोर बायदि एसेल' सुबुं अन्जिमा गोनां हारिफोर थानाय ओन्सोलाव गोबां अन्जिमनि फरायसाफोरा फरायसालि नागारनाय आयदाया मख'जाथावसिन। मानोना बेफोर ओन्सोलनि फरायसाफोरा फरायसालि नागारनायानो हादतनि बे आयदायाव मख'जाथावसिन बिहोमा होयो। सोलोथाइ मन्थि रजज पेगुआ बुंदोदि, मानकाचारआव राइज्योनि गेजेरजो बांसिन फरायसालि नागारनायनि हार थिसनो मोन्दो। बेनि उनाव



साहा बागान गोनां ओन्सोलफोर जायगा आवप्रिदो। अदेबानि मन्थिया बेखोबो दाबि देखाडोदि, बै ओन्सोलफोरम मडेले स्कुल बायदि बिथानिफोरनि मोजां फिथाइ नुनो मोन्नाय जादो। रिपटआव दाबि दैखानाय जादोदि, धुबुरी, गवालपारा मानकाचार बायदि जिल्लायव मख'जाथाव एसेल' सुबुं अन्जिमा थानाय हारिफोर गोबां दं। बिसोरनो हाइ ड्रपआउट एबा फरायसालि नागारनायनि अन्जिमाखौ बांसिन

खालामो। फासेथि जरहाट, डिब्रुगड आरो शिबसागर बायदि जिल्लाफोराव फरायसालि नागारनायनि हारा आसा खालामनायनिफ्राय जोबोद खमसिन। बिबानगिरिफोर दाबि दैखानोदि, राइज्यो सरकार गुण उत्सव आरो एसएसए बायदि प्रग्रामफोरनि गेजेरजो फरायसालिनि गुदिबिथा आरो सुबिधाफोरखौ जौगाखां होना बे आयदाखौ सुखानायनि थाखाय खामानि मावगासिनो दं। हि नजाव सा फोरखौ

फरायसालियाव सोलोथाइ लाहोनायनि थाखाय थुलुंगा होनो 'निजुत मइना' बायदि बिथानिफोरखौ जागायनाय जादो। थुलुंगा होनाय, मदत होनाय आरो गुबुन गुबुन नाजानायनि उनावो सोलोथाइ गोनां लाइमोनफोरनि थाखाय राइज्योआव थि रेखोमनि साखि मोनायनि खाबुआ खम जानायजो लोगोसेनो रांखान्थियारि हेंथाफोराबो ड्रपआउट एबा फरायसालि नागारनायनि हारखौ बांसिन खालामदो।

## मेघालय बिजेपिआ आसामजो सिमना जेनाखौ सुखानो सरकारखौ खावलायदो



गुवाहाटी, 27 डिसेम्बर : मेघालय बिजेपिआ आसामजो सोलिबाय थानाय सिमनानि जेनाखौ सुखानो थाखाय मेघालय सरकारखौ गोखो थांखि

आजावो खावलायदो। मेघालय राइज्यो बिजेपिनि बुंथिगिरि कारकनि बायदिल्ला, जेना गोनां ओन्सोलफोराव आसामनि दाबि दैखानाय

सावरायलायनाय फासे बिसोरनि गोसोखौ लोरबां खालामदो। बै ओन्सोलफोराव आसाम सरकारनि मख'जाथाव जौगाखां हाबाफारि मावनायफोरा

आसामनि दाबिखौ गोखोसिन खालामदो। बिथाड बुंवावदोदि, जेना सोलिनायनि गिबि खोलोबखौ सुखानाय मोन 6 जायगाफोराव आसामनि दाबि दैखानाय लोरबां जानायनि जाहोनाव जाफु'सारदोमोन। अदेबानि 2 थि खोलोबनि सावरायनाया थाबथानानै थादो। आसामा लकेल बिबानगिरिफोरजो सावरायलायनायनि थाखाय खामानि मावग्रा ओन्सोलारि समिटिफोरजो फोनांजाब खालामनायाव गोसो गैयै दिन्थिदो होनाबो दाय ज। बसिन्दो मोन। मख'जाथावदि, आसाम आरो मेघालय ओन्सोलाव सिमनानि जेनाया 1972 माइथायनिफ्रायनो सोलिदो, जेब्ला मेघालयआ दसे आबुं राइज्यो जादोमोन। आसाम-मेघालयनि गेजेरजो 885 किल'मिटर सिमना शेयार खालामो, जेराव मोन 12 जायगाफोराव जेना सोलिनाय दं। 2022 नि मार्च दानाव मोनसे जारिमिनारि रादायजो लोगोसे बे आयदाखौ सुखानो नाजादोब्लाबो आबुडै सुखानो हानाय जायाखै।

No.BDB/15<sup>th</sup> FC-125/2020-21/ Dated the Mushalpur 27<sup>th</sup> December, 2024

**SHORT NOTICE INVITING TENDER**

Sealed tender affixing a non-refundable Court fee stamp of Rs. 8.25 (Rupees eight & twenty five) only with a validity period of 180 Days, which will subsequently to be converted and drawn up in the printed of F-2 form are invited from the registered Contractors of Class-II and Class-I (A, B & C) category of Assam PWD (Building) and BTC, according to their eligibility for submitting tenders for the following works under 15th FC (Untied Grant) for RLB's (1<sup>st</sup> Installment) for the year 2023-24 as stated below. The tenders will be received by the undersigned up to 12.00 Noon on 14/01/2025 and will be opened on the same date & place at 2.00 P.M.

Sl. No.	Name of Works	Tender Amount (Approx)	Cost of Tender Paper	Time of Completion of Work
1	Const. of Children Reading room at Dakhin Laphakuchi near Bura Bungohain Ghor under 15th FC (Untied Grant) for RLB's (1 <sup>st</sup> Installment) for the year 2023-24.	5,00,000/-	300.00	6 (six) Months from the date of issue of F.W.O.

Detail N.I.T. may be seen in all working days during office hours in the office of the undersigned. Tender papers will be issued to the contractors or their authorized agents from 01/01/2025 & 10/01/2025 in the office of the undersigned on payment in the form of Demand Draft/Banker's Cheque from any Nationalized Bank, duly pledged in favour of the B.D.O. Baska Development Block, payable at S.B.I. Mushalpur.

Sd/-  
Block Development Officer,  
Baska Dev. Block, Mushalpur

IPR(BTC)-2023-24/1201

No.KDB-415/2023-24/10803 Dated the 26<sup>th</sup> Dec., 2024

**NOTICE INVITING TENDER**

Sealed tender affixing a non-refundable court fee stamp of Rs.8.25 (Rupees Eight and twenty five rupees) only with a validity period of 180 days, which will subsequently to be covered and drawn up in the printed of F-2 form are invited from the registered contractor Class-I (A, B, C) & Class-II Categories Assam P&RD and BTC, according to their eligibility for submitting tenders for the works under 15<sup>th</sup> FC fund for the year 2024-25 as stated below. The tender will be received by the undersigned upto 2.00 PM of 16/01/2025 and will be opened on same day at 3.PM.

Sl. No.	Name of Work	Location	Estimated value (Rs. In lakh)	Cost of bid document	Amount of bid security	Time of completion
1	Const. of community toilet at Majatigaon Chariali	Majatigaon	Rs. 11.00 L	0.03%	SC/ST= 1% OTH = 2%	3 months
2	Const. of community toilet at Shaymdashguri Aronai Market	Shaymdashguri	Rs. 11.00 L	0.03%	SC/ST= 1% OTH = 2%	3 months
3	Const. of community toilet at Gangia Bathou Unit Kheraisali	Gangia	Rs. 11.00 L	0.03%	SC/ST= 1% OTH = 2%	3 months
4	Const. of community toilet at 1 No. Burisatam Hori Mandir	Burisatam	Rs. 11.00 L	0.03%	SC/ST= 1% OTH = 2%	3 months

Details N.I.T may be seen in all working days during office hours in the office of the undersigned tender will be issued to the contractors of their authorized agent from 27/12/2024 to 16/01/2025 in the office of the undersigned on payment in the form of demand draft/banker's cheque from any Nationalized bank, duly pledged in favour of the BDO, Kachugaon Dev. Block, Gurufela.

Sd/-  
Block Development Officer,  
Kachugaon Development Block, Gurufela

IPR(BTC)-2023-24/1200

No.NDB-40/Tender/2024-25/2766 Dt.26/12/2024

**Tender No. 14 of 2024-25**  
**PRESS NOTICE**  
**NOTICE INVITING TENDER (For offline of Multiple works)**

NO.NDB-40/Tender/2024-25/2766, Dt.26/12/2024, Sealed tenders are invited affixing a non refundable court fee stamp of Rs. 8.25 (Rupees Eight & paiza twenty five) only on behalf of Nagrijuli Dev. Block (P&RD) from the intending contractors/ Suppliers/ firms for the work mention below:-

Sl. No.	Name of Work	Estimated Amount/ Value (in lakh)	EMD Bid Security (inRs.)	Tender Fees (In Rs.)
1	Const. of Community Toilet at AmritSarovar near SSB Camp for the year 2023-24 during 2024-25	10,47,960/-	10,480/-for SC/ST 20,960/-for Gen.	314/-
2	Const. of Community Toilet at Amar Chowk for the year 2023-24 during 2024-2025 during 2024-2025	10,47,960/-	10,480/-for SC/ST 20,960/-for Gen.	314/-

Pre-bid date and time: 20/12/2024 at 4 PM; Last date and time of bid submission: 09/12/2024 at 2.30 PM.  
Date & time of bid opening: 09/01/2025 at 3.00 PM

Tender documents can be obtained from the office of the BDO, Nagrijuli on any working days/hours up to 4.00 PM from 20/12/2024 to 09/01/2025 or in https://sppp.assam.gov.in. A pre bid meeting will be held as mention above. The address for the meeting is O/o the BDO, Nagrijuli Dev. Block. The bid will be opened in the office of the undersigned as per the schedule mention above. The TIA reserves the right to accept or reject any bid tender and to cancel annual the bidding process and reject all bids at any time prior to contract award.

UNSEALED TENDER WILL SUMMARILY BE REJECTED.

Sd/-  
Name of the TIA:- BDO  
Address of the TIA:-Nagrijuli Block, Nagrijuli

IPR(BTC)-2023-24/1199

**NOTICE**

No. AESRB/064/2024/766

Assam Engineering Service Recruitment Board (AESRB) invites online application through the official website of AESRB ([www.aesrb.in](http://www.aesrb.in)) from the permanent residents of Assam and having requisite qualification for recruitment to vacant posts of Lecturer (Non-Technical: 96 Nos.) in the Government Polytechnics under Higher Education Department, Government of Assam in the branches as mentioned below:

- Physics
- Chemistry
- Mathematics
- English and
- Humanities (Commerce)

The details of the caste/category wise vacancy, eligibility criteria, pay scales, instructions to apply etc. will be made available in the official website of AESRB ([www.aesrb.in](http://www.aesrb.in)).

Online application shall be accepted from 3<sup>rd</sup> January, 2025. Interested candidates are requested to visit the official website of AESRB only for applying.

Further, interested candidates are also requested to visit the official website of AESRB frequently for any future notifications.

The last date for submission of online Application is 20<sup>th</sup> January, 2025.

Sd/- Member Secretary  
Assam Engineering Service Recruitment Board

Janasanyog/D/11124/24/28-Dec-24



## सचिन तेन्दुलकारनि मोनसे गिदिरि रेकर्डआ बायदों

गोदान दिल्ली, 27 डिसेम्बर: भारत आरो अस्ट्रेलियानि गेजेराव मेलबर्नआव गेलेनाय ब्रैथि टेस्ट मेचआव गोखों सेलेन्ज होनायखों नुनो मोन्दों। बे मेचआव गिबिये बेटि खालामनाय अस्ट्रेलियानि हान्जाया गिदिरि स्कर लाखिदों। जायनि उनाव भारतआबो बे स्करसिम सौहेनाय लामायाव गोखोंडे दिन्थिफुडे। बे मेचआव स्टीभ स्मीथआ गोखों बेटिजों हान्जाखों रेखाथिसिम लादों। मख 'नाय जायदि, बे मेचआव क्रिकेटनि इसोर मुंजों मिथिजानाय सचिन तेन्दुलकारनि मोनसे गिदिरि रेकर्डआबो बायदों। 1996 आव गेलेनाय बर्डर गाभास्कार ट्रफीआव बयनिखुइ बांसिन सेन्सुरि लानाय बेटसमेन सचिन तेन्दुलकारआ बै समनिफ्रायनो गावनि मुंखों लाखिबोदोंमोन। जेराव बावैसो जालानाय बे सिरिजनि सिगां भिराट कहली आरो स्टीभ स्मीथआ बे फारिआव सचिन तेन्दुलकारनि मुडावसो दडमोन। जेराव बे सिरिज गेलेनाय समावनो सानैबो खेबसेयै सेन्सुरि लानानै तेन्दुलकारनि समानआव सौहेदों। स्टीभनि सिगां कहलीआ सचिनजों समान सेन्सुरि लाखिदों। जायनि उनाव स्टीभआबो सेन्सुरि लानानै कहली आरो सचिननि समानआव थामहिनबा बर्डर गाभास्कार



ट्रफीआव खेब 9 सेन्सुरि थिसनो हादों। जेराव कहली आरो स्मीथनि गेजेराव गिबिये सेन्सुरि लानायनो सचिननि बे मेगा रेकर्डखों सिफायगौमोन। जायनि फारिआव बे सिरिजआव खेबसे सेन्सुरि लादेरनायजोंनो स्टीभआ सचिननि रेकर्डखों सिफायनो हाबाय। थामहिनबा बर्डर गाभास्कार ट्रफीआव बिथानि मुडाव खेब 10 सेन्सुरि जाबाय। बेटिनि फारिआव बिथाडा 197 बलआव 140 राननि इनिंस गेलेदों। जायनि फारिआव खेब जिथाम 4 आरो खेबथाम 6 रान लादों।

## नेसनेल शुटिं सेम्पियनसिपआव भिजयभीरआ बिमुं देरहादों



गोदान दिल्ली, 27 डिसेम्बर: पान्जाबनि शुटार भिजयभीर सिद्धुआ दिल्लीआव खुंजानाय 67 थि नेसनेल शुटिं सेम्पियनसिप इन्हेन्टआव पिस्टलनि बादायनायाव हौवाफोरनि 25 मिटर रेफिड फायर पिस्टलनि बादायनायाव गावनि गिबि बिमुंखों देरहादों। पेरिस

अलिम्पियन भिजयभीरआ ७ करनी सिंह शुटिं रेन्जआव आर्मि मार्कस्मेनसिप इजनिटनि लोगो गेलेगिरि अलिम्पियन गुरप्रीट सिंहखों फाइनालाव 28-25 स्करआव फेजेन्दों। एयार फर्सनि गेलेगिरि शिबम शुक्लाआ बे फारिआव 23 स्करजों थामथि मासिआव थादों। भिजयभीरआ क्वालिफिकेसनआव 581 पइन्टजों नैथि नम्बरआव थादों। जेराव उत्तर प्रदेशनि अंकुर गयलआ 585 पइन्टजों बिथानि सिगाडव जायगा आवग्रिदोंमोन। गुरप्रीटआ फाइनालनि उनाव बे इन्हेन्टखोंनो गावनि जोबथा नेसनेल सेम्पियनसिप जागोनखों फोरमायो। लोगोसे सिगां फर्स कचिनि फर्स गावनि थिरंथा लासिमोनखों फोरमायो। जुनियर हौवा आरएफपिआव महाराष्ट्रनि राज बर्धन आशुटस पाटिलआ 31 हितजों सनानि मेडेल देरहादों। बे फारिआव मध्य प्रदेशनि सुरज शर्माआ नैथि मासिआव थादों। जेराव राजस्ताननि अभिनव चौधुरिआ ब्रन्ज मेडेल देरहादों।

## सोनाब बंगआ उरिष्याखों फेजेन्नानै 78 थि नेसनेल फुटबल सेम्पियनसिपआव क्वालिफाइ जाबाय



कलकाता, 27 डिसेम्बर: सोनाब बंगआ डेक्कान एरिनाआव गेलेनाय सन्तप ट्रफी 2024-25 नि थाखाय 78 थि नेसनेल फुटबल सेम्पियनसिपआव गोखोंडे दिन्थिफुनानै सेमिफाइनालनि लामायाव उरिष्याखों 3-1 गलआव फेजेन्दों। बे मेचआव उरिष्यानि हान्जाया मोजाडे गेलेनायजों जागायदोंमोन। जेराव हान्जानि जानानै

राके श अरामआ मेचनि 25 मिनिटआव गल सोनानै आवगायहोजेन्दोंमोन। बेराफर्स सोनाब बंगआ नरहारि श्रेस्ट'नि गल सोनायजों हाफ समनि स्ट्रकआव समान स्करिसिम आवगायफिन्दोंमोन। जेराव हान्जानि जानानै रवि हास्टाआ 70 आरो साबन्टिटउट गेलेगिरि मन्टश माझिआ 90+2 मिनिटआव गल सोनानै 52 थि खेबनि थाखाय सेमिफाइनालाव सौहेदों। बे मेचआव हास्टाआ गावनि 9 थि गल सोनायजों गल स्करिनि शार्टआव गावनि मुंखों गोजोंसिन खालामदों। जेराव रेकर्ड सेम्पियन सोनाब बंगनि थाखाय बे मेचआ जागायनायाव गात्रिब्लाबो गेजेर समसिमआव मिजिथि गोनां जाहैदों। बे समाव दावबायनाय हान्जाया गेजेर समसिमआव गावसोरनि दिन्थिफुनाय आदोबखों गोखोंसिन खालामदों। जेराव उरिष्याआ बे समाव होबथाफिन्तो नाजादोंब्लाबो बेरेखा हान्जानि गोब्राव नारसिन्थायखों होबथानायाव फेलें जादों।

## हिमन्त कलिता आरो लाभलिना बरगहाइआ एसियान बक्सिं कन्फेडरेसनआव गाहाइ मासि मोन्नो हादों



गुवाहाटी, 27 डिसेम्बर: थाइलेन्डआव जालानाय जथुमनि समाव बक्सिं फेडरेसन अफ इन्डियानि नेहाथारि हिमन्त कलिता आरो अलिम्पिक मेडेलिस्ट लाभलिना बरगहाइआ एसियान बक्सिं

कन्फेडरेसनआव गाहाइ मासि आवग्रिनो हादों। बक्सिं फेडरेसन अफ इन्डियानि नेहाथारि हिमन्त कलिताआ फेडरेसननि सोद्रोमा महरै बे समाव जथुमआव बयनिबो नोजोरखों गावनिथि लाखिनो हानाय बादिनो लाभलिना बरगहाइआबो अलिम्पियन महरै कन्फेडरेसनआव गाहाइ मासिनि थाखाय सायख 'जादों। हिमन्त कलिताआ बे जथुमआव मुंदांखा सा 8 सोद्रोमायारि अलिम्पिक आफादनि सोद्रोमा महरै सायख 'जानो हादों। बेराफर्स लाभलिना बरगहाइआ बे समाव साब्रे सोद्रोमायारि एथलीट आयगआव सासेल' सोद्रोमा महरै भारतनिफ्राय दिन्थिफुंनो खाबु मोन्दों। मख 'नाय जायदि, आसामनि बक्सर लाभलिनाआ गावनि गोखों बक्सिंजों बक्सिंनि फोथारआव गावनि आगानखों लाखिबोदों। जेराव बिथानि बेबादि जायगा मोन्नाया राइज्योनिफ्राय आरोबाव गोबां लाइमोनफोरखों थुलुंगा होगोन।

## सिमना हालेफआ अस्ट्रेलियान अपेननिफ्राय जानगारआव थासिमोन

गोदान दिल्ली, 27 डिसेम्बर: बारग 'नम्बर 1 गेलेगिरि आरो खेबनै मेजर सेम्पियन जानो हानाय सिमना हालेफआ फैगो बोसोरनि गिबियाव जानो गोनां अस्ट्रेलियान अपेन आरो अकलेन्डआव खुंजानो गोनां मोनसे ट्युनआप इन्हेन्टनिफ्राय जानगारव थानो थिरंथा लाबाय। रमानियानि गेलेगिरि हालेफआ बेनि सायाव ससेल मिडियानि गेजेरजों रोखा खालामनानै हादों। अस्ट्रेलियान अपेन 2018 नि रनार्सआप हालेफआ जानो गोनां सिजननि थाखाय क्वालिफाइ राउन्डनि वाइल्ड कार्ड मोन्दोंब्लाबो जोखोमनि थाखाय बे इन्हेन्टनिफ्राय जानगारव थानो थिरंथा लाबाय। बिथाडा थानाय सप्ताहआव आबुधाबिआव मोनसे एक्जिभिशन टुर्नामेन्टआव बाहागो जादोंमोन। गावनि फोसावलाइआव बिथाडा आबुधाबिआव गेलेखानायनि उनाव हान्थु आरो फाफिलआव फिन खेबसेबाव साखानाय जेनाजों मोगा-मोगि जानानायखों फोरमायो। जाडनाव गावनि हान्जाजों



गुवैरै सावरयज्जालायनि उनाव जानो गोनां बे इन्हेन्टफोरनि थाखाय जानगारव थानायनि थिरंथाखों फोरमायो। हालेफआ इनस्टाग्राम परटनि गेजेरजों थासिरिनि जाडनाव बेबादि थिरंथा लानानायखों फोरमायदों।

### SHORT TENDER/QUATATION NOTICE

Sealed tenders affixing a Non-refundable court fee Stamps of Rs. 8.25 only are invited from the intend eligible contractors/ Suppliers to be received up to 3:00 PM IST) till 10<sup>th</sup> January 2025 for

1. Boundary protection at Central Range.
2. Upgradation & Development of new Infrastructure for Office (Repair/ Renovation).
3. Outdoor lighting including power backup.
4. Electrification & power backup system including heritage bungalow.
5. Office Associated equipment/ logistics equipment.
6. Road for internal mobility.
7. Maintenance and clearance of patrolling path.
8. Repairing of existing Anti - Poaching Camp.
9. Running water supply system at Raimona National Park IB.
10. Maintenance & Repair of wireless communication system (VHF).
11. Procurement of Solar Lamp for the Human Wildlife Conflict affected areas.
12. Entry and Exit Gates.
13. Habitat improvement set up new Anti - Poaching Camp.
14. Upgradation for Development of utilities.

Sd/-  
Divisional Forest officer,  
Kachugaon Division, Gossaigaon.

## रंजालि गथ 'फोरनि सौरा

### दमासि

नों फैबाय दमासि ?  
गोजां बोथोराव थोर थोर गोजांनो ,  
मावग्लुनाय सोलेरखों लाना  
बेलागुरनि जॉनाय अर सायनो ।  
थानाय बुब्लिखों गोसो खाना  
बोथोरनि गासैबो दुखु जालां  
हांसा हांसा गौदे गोबाबनि मोन्दांथि  
बिसम्बनि गोदान गाब होनो  
खुद्विनाय गोसोखों बुखायनो ।  
नुयैखों नुनो हांखु जाना  
अननाय हामलायनायखों मिजिथिना  
मानाव गेदेरफोरखों मान बावनायनी  
जुमायनि खुरे आखाइआव लाना  
दमासि-नों आरोबाव फैबाय ।  
बड़फोरनि नख 'र नख 'र बेरायना  
रंजा बाजा सौराय फिथा जानो ,  
आरो--आरो  
थाफिल दामै दामै जुमाय लोंनो ।  
जा-जालांबाय जालांबाय  
जों गासैखोंबो बावलांजोबदो ,  
एना एनि मोन्सा मोन्सि फोरखों जाब गारदो  
जों गंसे सिस्थलायाव जयै जुमाय लोंलायदो ।  
एना एनि मोन्सा मोन्सिखों जों लुबैया  
जिउनि फावथायखों जों नाया ,  
सुबुं अनफावरनि नुथाइखों जों लुबैयो ,  
देरलाय रोगाना लाबोथों  
आलो गोजोन खोंसे जानायनि  
गोदान इंख --  
दाजाथों - हु येन लान पाव ।

पबित्र ब्रत दैमारी  
ग 'लाघाट

### उन्दुसिनारनिफ्राय सिरि मोनहोदों

गेदेमा सुबुंफोरनि  
बोसोनथि रावफोरा  
उन्दुसिनारनिफ्राय सिरि मोनहोदों  
बेयोदि सानसि  
गोरबोयाव अराय  
मोब्लिब खुन्थिया  
जानानै थासिमोन ।

सबिराम बर'  
राबां, बाक्सा

## इन्टारनेसनेल रेटिं चैस टुर्नामेन्टआव मेचनि दिगआ गुबुन महर मोन्दों


गुवाहाटी, 27 डिसेम्बर: टुर्नामेन्टनि जौसिन मासि मोन्नाय इन्टारनेसनेल मास्टर (आइएम) मायां चक्रबर्तिआ साउथ पइन्ट स्कुल गुवाहाटी इन्डिया अपेन इन्टारनेसनेल रेटिं चैस टुर्नामेन्टआव फारिये खेबनै देरहानायजों 2 पइन्ट आजिनानै आवगायदों। सोलिफु समाव बिथाडा गासै सा 83 गुबुन गेलेगिरिफोरजों समानआव दड। जेराव बिथानोमोनह नैथि राउन्डनि उनाव आबु पइन्ट आजिदों। बे टुर्नामेन्टनि नैथि सानआव माखासे दिगनि सोलायनाय फेदों। जेराव बर्ड 6 आव आसामनि मुंदांखा गेलेगिरि महेन्द्र बराआ सोनाब बंगनि



जौसिन मासि मोन्नाय अर्पन दासखों फेजेन्नानै जिंगायाव खोखलै नो हादों। बर्ड 11 आवबो लाइमोन गेलेगिरि ऋतिका दासआ तामिलनाडुनि रोंगथि गोनां गेलेगिरि गौतम

रमेशखों गोखों सेलेन्ज होनानै मिजिथि लादों। जेराव गोबां बादायनायखों डूआव लाखिनो गेलेगिरिफोरनि गेजेराव हादों। बेबादि थासारिआव बिथानोमोननि बेबादि बान्जायगिरि राइज्योनि दिन्थिफुनाया लाइमोनफोरनि अन्सायगिरिफोरा बिसोर गोसोआव चैसनि फार्स गोसो सानैनिफ्राय टुर्नामेन्टआव बोनो हादों।

## चेल्टा भिग 'आ इयाग' आसपासजों रादाइखों फोलावबाय



आरो गावनि साथाम गथ 'फोरजों लोगोसे बे भिडिआव नुजाथिदों। आसपासआ गावनि फोसावनाय रादाइआव गाव नुजाथिनाय स्टेडियामनि मोनफ्रोमबो खना आरो स्टेन्डनिफ्राय अन्सायगिरिफोरनि मददनि होखावहरनाया खोमायाव रिखांबाय थायो होन्ना फोरमायो। जेराव बिथाडा बे स्टेडियामआवनो गावनि रंजानाय बुब्लि आरो सम बारहोबोनायखों फोरमायनानै गावनि फुटबल केरियारनि समाव बे स्टेडियामनि फोथारवनो जर'खा गोसोखांथि महरै सम बारहोनायखों फोरमायो। बे समाव बिथाडा चेल्टा क्लाबखों गावनि जिउ बादि फोरमायो आरो गावनि गोसोआव बे क्लाबनि मुड जेक्लाबो थालांगोननि खोथा होयो। आसपासआ क्लाबनि मोनसे गिदिरि बाहागोदारि जानानै दड। मानोना बिथाडा क्लाबआव जुनियर रेंकनि गेजेरजों आवगायबोदों। 2014-15 नि सिजनआव बिथाडा इउर'पा लीगखों देरहादों। लिभारपुल आरो सेबिलाआव सम थासेयावबो बिथाडा इउर'पा लीगआव गावनि जर'खा बिहोमाखों लाखिनो हादों। जेराव आसपासआ बै समाव क्लाबनि बांसिन गल स्करार जानो हादों। सोलिफु सिजनआव 37 बोसोर बैसोनि गेलेगिरिआ ला लीगआव 6 गल सोनायनि अनगायैबो गरथामआव हेफाजाब होनो हादों।

आरो गावनि साथाम गथ 'फोरजों लोगोसे बे भिडिआव नुजाथिदों। आसपासआ गावनि फोसावनाय रादाइआव गाव नुजाथिनाय स्टेडियामनि मोनफ्रोमबो खना आरो स्टेन्डनिफ्राय अन्सायगिरिफोरनि मददनि होखावहरनाया खोमायाव रिखांबाय थायो होन्ना फोरमायो। जेराव बिथाडा बे स्टेडियामआवनो गावनि रंजानाय बुब्लि आरो सम बारहोबोनायखों फोरमायनानै गावनि फुटबल केरियारनि समाव बे स्टेडियामनि फोथारवनो जर'खा गोसोखांथि महरै सम बारहोनायखों फोरमायो। बे समाव बिथाडा चेल्टा क्लाबखों गावनि जिउ बादि फोरमायो आरो गावनि गोसोआव बे क्लाबनि मुड जेक्लाबो थालांगोननि खोथा होयो। आसपासआ क्लाबनि मोनसे गिदिरि बाहागोदारि जानानै दड। मानोना बिथाडा क्लाबआव जुनियर रेंकनि गेजेरजों आवगायबोदों। 2014-15 नि सिजनआव बिथाडा इउर'पा लीगखों देरहादों। लिभारपुल आरो सेबिलाआव सम थासेयावबो बिथाडा इउर'पा लीगआव गावनि जर'खा बिहोमाखों लाखिनो हादों। जेराव आसपासआ बै समाव क्लाबनि बांसिन गल स्करार जानो हादों। सोलिफु सिजनआव 37 बोसोर बैसोनि गेलेगिरिआ ला लीगआव 6 गल सोनायनि अनगायैबो गरथामआव हेफाजाब होनो हादों।



## गोदान बोसोरनि सिगां सनानि बेसेना बांदों

गोदान दिल्ली, 27 डिसेम्बर: सनानि बेसेनखौ सप्ताहनि जोबथा फालांगि सान शुक्रबारखालि बांनया नुनो मोन्दों। एमसिएक्स एक्सचेन्जआव 2025 नि 5 फेब्रुवारीखालि डिलिभारि जानो गोनां सनानि जागायजेन्नाय फालांगियाव 0.13 जौखोन्दो एबा 103 रं बांनयाजों लोगोसे मोनफ्रोम 10 ग्रामाव 76,730 रंआव ट्रेड खालामनाय नुदों। सनानि अनगायै रुपानि नख 'रि बेसेनखौ बांनया नुनो मोन्दों। एमसिएक्स एक्सचेन्जआव 2025 नि 5 मार्चआव डिलिभारि जानो गोनां रुपानि जागायजेन्नाय फालांगियाव 0.30 जौखोन्दो एबा 269 रं बारयनायजों लोगोसे मोनफ्रोम किल 'ग्रामाव 89,905 रंआव



ट्रेड खालामनाय नुदों। बबेखानि दिल्लीनि सर्राफा बाजारव बृहस्पतिबारखालि 24 केरेट सनानि बेसेनखौ 250 रं गोखैथिजों लोगोसे मोनफ्रोम 10 ग्रामाव 78,850 रंआव बन्द 'जादोंमोन। फारसेथिं हाजिर बाजारव रुपानि बेसेनखौ 300 रं गोखैथिजों लोगोसे मोनफ्रोम किल 'ग्रामाव 90,800 रंआव बन्द जादोंमोन। सनानि ग्ल'बेल बेसेनाव सप्ताहनि जोबथा

फालांगि सान शुक्रबारखालि बाडइ जानाय नुनो मोन्दों। जागायजेन्नाय फालांगियाव कर्मडिट मार्केटआव सनानि ग्ल'बेल हारआ 0.10 जौखोन्दो एबा 2.60 डलार बाडइ जानां मोनफ्रोम ग्रामाव 2651.30 डलारआन ट्रेड खालामनाय नुदों। फारसेथिं ग्लड स्पटआव 0.04 जौखोन्दो एबा 1.09 डलार बाडइ जानां मोनफ्रोम ग्रामाव 2632.49 डलारआन ट्रेड खालामनाय नुदों।

## गोख्रों फालांगिरि गौतम आडानीआ वार्क लाइफ बेलेन्सनि सायाव बाथा बुंदों

गोदान दिल्ली, 27 डिसेम्बर : वार्क लाइफ बेलेन्सखौ लानाने थानाय सानफोराव गोबां सावरायनाय नुनो मोन्दों। सप्ताहसेयाव बेसेबां घन्टा खामानि मावनांगो आरो बेसेबां मावनाडे बेखौ लानाने बयनिबो गुबुन गुबुन राय होनायखौ नुनो मोन्दों। आथिखालाव मुंदांखा फालांगिरि गौतम आडानीआ वार्क लाइफ बेसेन्सजों लोब्बा थानाय मोनसे सेक्रेट फोरमायदों। आडानी गुपनि शोयारमेनआ फोरमायदोंदि, जेब्बा मावसुमाया गाव मावनो मोजां मोने खामानिखौबो मावो अब्ला बेखौ वार्क लाइफ बेलेन्स बुंनयाय जायो। निउज एजेन्सि एएनआइआ पस्ट खालामनाय भिडिअफोराव आडानीखौ गोबां आयदायाव



बाथा सावरायनाय नुनो मोन्दों। बिथाड बुंदोंदि, गावहा रवबो पार्टीनिफ्राय स्पेशल ट्रेटमेन्टनि गोनांथि गैया, बिथाड जायखि जाया पार्टीजों खामानि मावनो थाखाय थियारि। बिजनेस टाइकुन गौतम आडानीनि बुंनयाय बायदिल्ला, जायखौ सुबुडा मावनो मोजां मोनो आरो जुदि बेखौ मावगासिनो दं अब्ला बेनो बे सुबुनि वार्क लाइफ बेलेन्स।

बयनिबो वार्क लाइफ बेलेन्सआ गुबुन गुबुन जायो आरो बेखौ रावबो रावनिबो सायाव जाबसिनो हाया। बयहाबो गुबुन गुबुन आयदायाव रंग'थि आरो इन्टरेस्ट थायो। जायखि जाया सुबुडा खमैब्लाबो 4 घन्टा गावनि नख 'रजों हगारनाया गोनांथार। मख 'जाथावदि, वार्क लाइफ बेलेन्सनि आयदा एबा दान्थे-बिदान्थेआ इनफिसिसनि

फाउन्डर नारायण मुर्तिनि होनाय धैज्यनि गोनांथि दं। मानोना मोनसे बिबु'थिनि उनाव जागायदोंमोन। मुर्तिआ भारतनि वार्क प्रडाक्टिभिटिनि सायाव बाथा बुंदोंमोनदि, जों ग्लबेली कम्पिट एबा मुलुगनां थाखोयाव बादायनांगो आरो प्रडाक्टिभिटिखौ बांहोनांगो। बेनिखायनो भारतनि लाइमोनफोरनो एक्सट्र टाइम होनानै खामानि मावनांगो। मुर्तिआ सप्ताहआव 70 घन्टा खामानि मावनायनि सायाव नोजोर होदों। लोगोसेनो बिथाड बुंदोंदि, इनफ्रास्ट्रक्चर सेक्टरआव खामानि मावनाया बयनिखुइबो गोब्राबसिन। जुदि बेयो गोरलैमोनब्ला साफ्रोमबो बेखौ मावगौमोन। बे सेक्टरआव खामानि मावनो थाखाय गोबां

रिटार्न मोनायाव 10 बोसोर सम नांगो जायो। बेनि गेजेराव माबेबा जे'नानि थाखाय खामानियाबो दोन्थ 'जानो हागो। बेनिखायनो बेयो जोबोद गोब्राब खामानि। फारसेथिं गावसोर सरकारनिफ्राय जेबो स्पेशल ट्रेटमेन्ट मोनाखै आरो गावसोरनि बेनि गोनांथिबो गैया। दर 25 राइज्योफोराव गावसोर खामानि मावगासिनो दं। केरेलायाव भिडिनजाम पर्टआ 20 रोजा कौटि रंजों बानायजागासिनो दं। गावसोर जायखि जाया पार्टीजोंनो खामानि मावनो थियारि, नाथाय रावबो बेयाव राजखान्थि खालामैखौ गावसोर नोजोर होयो होनाबो बिथाड बुडे।

## इजराइलनि एयार स्ट्राइकआव साबा पिलिस्तानी खौरांगिरिफोरनि जिउ खहा

गोदान दिल्ली, 27 डिसेम्बर: सोनाब एशियाआव दावहा दोन्थ 'होनो नाजानायनि गेजेराव गाजा पट्टीनिफ्राय फिन गिखंथाव खौरां सोराडव फेदों। बुधवार मोनायाव इजराइलनि उरांजों गाग्लोबनायाव गंसे देहा फाहामसालिनि बाइजोआव साबा फिलिस्तानी खौरांगिरिफोरनि जिउ गोमायो। गाजानि सावसि मावख 'नि बे दाबिनि उनाव इजराइल सान्थिआ उतखारिफोरखौ थांखिनानै गाग्लोबनाय जादोंमोन होना बुडे। बेनि अनगायै गासै गाजानाडे इजराइलनि गाग्लोबनायाव सा 22 फिलिस्तानीफोरनि जिउ गोमायो। इजराइलआ लेबानननि बालबेक ओन्सोलावबो गाग्लोबदों। इजराइलनि



गाग्लोबनायनि थांखिया नुसरत रिफिउजि केम्पमोन। केम्पनि साखाथियाव अल-अवदा फाहामसालिनि बाइजोयाव लाखिना दोन्ना गारियाव बम बेरफु होनायाव साबा खौरांगिरिफोरनि जिउ गोमायो।

बिसोर खौरांगिरिफोरा कुदस निउज नेटवार्कनि थाखाय खामानि मावोमोन। इजराइल सान्थिया बुडेदि, गावसोरजों हामासजों लोब्बा गोनां उतखारि गुप इस्लामिक जिहादिनि सोद्रोमाफोरनि हान्जाखौ थांखि

खालामदोंमोन, जाय 7 अक्टबर 2023 आव इजराइलआव गाग्लोबनायै दावहाखौ जागायदोंमोन। फारसेथिं खौरांगिरिफोरखौ रेखा खालामग्रा समिटिनि बुंनयाय बायदिल्ला, दावहा जागायनायनि उननिफ्राय

सा 130 नि बांसिन फिलिस्तानी खौरांगिरिफोरनि जिउ गोमाबाय। खौरांनि बायदिल्ला, सा गाजायाव इजराइलनि गाग्लोबनायाव बिथा गोमाजानांनया सुबुंफोरा थानाय अल-मुहब्बन स्कुल रिफिउजि केम्पजों लोगोसे गासै गाजायाव सा 22 फिलिस्तानीफोरनि जिउ गोमादों। सिभिल डिफेन्सआ स्कुलाव थैनाय सा 7 सुबुंफोरनि गोथे सह 'बोखांनो मोन्दों आरो 25 जोखोम जादों। बिसोरखौ जायगानि फाहामसालिफोराव थिसन्याय जादों।

गुवाहाटी, 27 डिसेम्बर: मेघालय पुलिसआ बिहार पुलिसनि हेफाजाबजों शिलनि गंसे पेट्रल पाम्पनिफ्राय 30 लाख रंनि गोना-खान्थि खालामनायाव थाफानाय सासे सुबुंखौ ग्रेटर खालामदों। बे जाथाया 15 डिसेम्बरखालि यादब पेट्रल पाम्पनि मेनेजार रघुबिर सिंहआ रंखौ लानानै खारनायनि उनाव सोराडाव फेदों। गोथो नायबिजिरनायनि उनाव दरने राइज्योनि पुलिस हान्जाफोरा बिहायव सिप्रोमनायाव यादबआ



ग्रेटर खालामजायो। अदेबानि ट्रान्जिट रिमाड मोनार्थनि उनाव यादबखौ शिल'आव ट्रान्सफार खालामनो नाजागासिनो दड।

बेनि गेजेराव गुबुन सासे दायनिगिरि रघुबिर सिंहखौ नायगिरसनाय हाबाफारिया सोलिगासिनो दड।

## टिटिपि पाकिस्तान सान्थिनि सायाव खिथेर लानानै गाग्लोबदों



इस्लामाबाद, 27 डिसेम्बर: टिटिपिनि उतखारिफोरा पाकिस्तान सान्थिनि उरांजों गाग्लोबनायनि खिथेर लादों। टिटिपिआ गोबां जायगाफोराव पाकिस्तान सान्थिनि सायाव गाग्लोबदों आरो बेयाव गोबां पाकिस्तान सान्थिनि जिउ गोमादों होनाबो दाबि देखादों। फारसेथिं पाकिस्तान सान्थिया मोनसे फिन्नाय फोसावनानै टिटिपिनिफ्राय बेबायदिजेबो

गाग्लोबाखै होनानै बुंनयाजों लोगोसे टिटिपिनि मेजर रेकनि बिबानगिरिया सा बजिरिस्तानआव जिउ गोमादों होना मिबथिहोदों। पाकिस्तान सान्थिया बेयाव सा 13 उतखारिफोरनि जिउ गोमादों होना दाबि दैखाबो आरो गाग्लोबनायनि सावगारिफोरखौ सशेल मिडियाआवबो शोयार खालामो। बे समावनो पाकिस्तानी मिडियाआ

सोरांआव लाबोदोंदि, तालिबानी आर्मि आरो पाकिस्तान सान्थिनि गेजेराव थानाय हराव पट्टन कुरंम सिमनायाव गोखोडे गुलि गावज्ज्यायदों। बे समाव बिसोरो फारनैबोथिनिफ्राय गिदिर हाथियारफोरखौबो बाहायदों। फारसेथिं बे समावनो पाकिस्तान सरकार गिबि खेव गावसिनि सान्थिया आफगानिस्ताननि सिडाव

हाबहैना सिमना सेराव गाग्लोबदोंमोन होना गनायथिदों। पाकिस्तान गुबुन हादतयारि मावख 'नि बुंथिगिरि मुमताज जहरा बसलआ बुंदोंदि, रोखा संगालि खौरांखौ बिथा खालामना पाकिस्तान अख्रामा सान्थिया बैयाव गाग्लोबहैदों। बे गाग्लोबनायाव सा 46 सुबुंफोरनि जिउ गोमादों होना तालिबान सरकार फोसावदों आरो बेयाव आइजो आरो गथ 'साफोयनो बांसिनै थैदों होनाबो बुंदों। पाकिस्तान मिडियाआव बुंनयाय बायदिल्ला 2021 आव जेब्बा आफगानिस्तानआव तालिबान सरकार फेदों अब्लानिफ्राय पाकिस्तानआव गाग्लोबनाया बांसिन्दों।

## इउक्रेन-रसिया दावहायाव गिबियै सासे सा-करियान सान्थि हमजादों

गोदान दिल्ली, 27 डिसेम्बर : रसिया आरो इउक्रेननि गेजेराव दावहा सोलिबाय थानाय समावनो सा-करियानिफ्राय मोनसे गाजि खौरां सफेदों। इउक्रेनआ सा-करियानि सासे सान्थिखौ हमनो मोन्दों। सा करियानि गाहाइ किम जंआ रसियाखौ मदत होनो थाखाय गावनि सान्थिफोरखौ दैथाइहदों आरो बिसोर सान्थिफोरा इउक्रे ननि हेंथायै रसियानि सान्थिफोरखौ दावहायाव मदत होगासिनो दं। इउक्रे ननि सान्थिफोरा सा-करियानि सासे सान्थिखौ जोखोम जानाय थासारियाव बोखांनो मोन्दों। खोला करियानि संगालि एजेन्सिआ बे खौरांखौ रोखा खालामदों। यनहाप खौरां एजेन्सिआ गावनि रिपर्टआव इउक्रेननि स्पेशल फर्सआ सासे जोखोम जानाय सा-करियानि सान्थिखौ हमनो मोन्दों होना बुंदों। खोला करियानि संगालि एजेन्सिआ शुक्रबारखालि बे खौरांखौ फोसावदों।



मख 'जाथावदि, रसिया-इउक्रेन दावहायाव गिबि खेव बेबायदि जाथाय सोमजिदों, जेराव रसियाखौ मदत होफैनाय सा-करियानि सोरबा सान्थिखौ इउक्रे नआ बेंखनआव लानो हादों। खोला करियानि संगालि एजेन्सि नेशनेल इन्टेलिजेन्स साभिसनिफ्राय फोसावनाय फिन्नायाव बुंनयाय जादोंदि,

दरसे लोगो हादतनि संगालि आफादजों बाथा सावरायनायाव सासे जोखोम जानाय सा-करियानि सान्थिया हमजादों होना मिथिनो मोन्दों। बे आयदाखौ गोथोयै नायबिजिरनो थाखाय थांखि लादों होनाबो बुंदों। यनहाप खौरां एजेन्सिनि रिपर्ट बायदिल्ला, बयनिखुइबो गिबिसिनै मिलिटार्नी मुनि

मिडिया आफटलेडआ बृहस्पतिबाराव बे खौरांखौ मिथिहोदोंमोन। बेयाव बुंनयाय बायदिल्ला, रसियानि सोनाब सिमनाजों नांजाबनाय कुर्स्क ओन्सोलाव अपारेशन सालायनाय समाव सा-करियानि सान्थियै इउक्रेनजों हमजादों। बेनि उनाव खोला करियानि खौरां एजेन्सिआ बे खौरांखौ सोरांआव लाबोयो।

## बांलादेशआव हिन्दुफोरनि सायाव अनागारि खालामनायनि हेंथायै आमेरिकायाव गोख्रों धर्ना होदों

सानफ्रान्सिस्को, 27 डिसेम्बर: बांलादेशआव सोलिबाय थानाय हिन्दुफोरनि बेरेखा हिंसायारि जाथायखौ लानानै आमेरिकान हिन्दुफोरा सिलिकन भेलिआव गिदिर सांग्रांथि अभियान युनुसनाव सोनाय मानोखौ जागायदों। अभियान बादिदै केलिफर्नियानि बे बाहागोआव गिदिर-गिदिर हर्डिफोर आरो बिलबर्ड

लागायदों। इउनाइटेड हिन्दु काउन्सिलआ खुस्टमासनि सिगां अकलेन्डआव 880 एन आरो मार्केट स्ट्रीटआव मोनसे गाहाइ जायगायाव गिबि बिलबर्डखौ लागायदों। मोनसे फिन्नायाव बुंनयाय जादोंदि, बे मख 'जाथाव आयदानि बागै सांग्रांथि बांहोनो आरो सावरायनायखौ बांहोनो थाखाय फेगो दानआव मुखुब हान्था-मैला



ओन्सोलाफोर आरो गाहाइ दालांफोरजों लोगोसे मोन 6 गाहाइ जायगाफोराव डिजिटल हर्डि मेसेज लागायनानै धर्ना खालामगोन। फिन्नायनि बादिब्बा, महम्मद युनुसनि खुंथायाव बांलादेशआव हिन्दुफोर आरो गुबुन इसेल 'सुबुं अन्जिमा गोनां हारिफोरनि हेंथायै सोलिबाय थानाय हिंसाखौ जोबोद दुखुनांथाव होना बुंदों।

परिषदआ बुंदोंदि, युनुसआ गावनि सरकारआव गासैबो बांलादेशफोरखौ लाफानांगो आरो इसेल 'सुबुं अन्दिमाफोरनि सायाव बिसोरनि धोरमखौ लानानै अनागार खालामनायखौ बन्द खालामनांगो। आमेरिकाआव जायगानि राइजो आरो माहारियारि दैदेनगिरि बिथांमोननिसिम बांलादेश खुंथायाव थानाय सुबुं मोन्थायफोरखौ रेखा

खालामनोबो परिषदआ खावलायदों। बेनि अनगायै सुबुंफोरनिसिम गावनि बाथाखौ सौहैहोनो थाखाय मोनसे वेबसाइटबो जागायदों, जाय सुबुंफोरनो बिलबर्ड मेसेजफोरखौ नायनायनि उनाव आरोबाव बांसिनै मिथिनो थाखाय थुलुंगा होयो। हिन्दु-आमेरिकानफोरा युनुसनाव सोंथि खालामनाय अभियान जागायदों।



# सृजनग्रामाव आसाम साहित्य सभानि 108थि मिरु गायसन्थाय सान फालिदों

**चापर, 27 डिसेम्बर:** बडाइगाव जिल्ला साहित्य सभानि बान्जायनायाव, सृजनग्राम शतदल दालाय सहित्य सभानि हेफाजाबाव, गेदेत सृजनग्रामनि थागिरि राइजो-राजा आरो बान्जाय आफादनि हेफाजाबाव सानब्रैनि हाबाफारिजों आसाम साहित्य सभानि 108थि मिरु गायसन्थाय सान हाबाफारि खुंदों। सृजनग्राम इनाइटेड गोर्जे फरायसालि गेलेमु फोथारव जोगा-मागा थासारिनि गेजेराव खुंजानाय दिनें जोबथा सानखालि फुडाव सा 108 थुनलाइ अन्सायारि आरो जर'खा सुबुंफोरनि गेजेरजों साहित्य सभानि गां 108 फिफरफिलाफोरखौ बिरहोनाय



जादों। जेराव गाहाइ फिफरफिला बिरहोगिरि महरे आसाम साहित्य सभानि आफादगिरि डो सुज्यकान्त हाज रिकाआ बाहागो लाफैदोंमोन। सान्जौफुआव ड सुज्यकान्त हाज रिकानि आफादगिरि मासि सामलायनायाव खुंनय गेवलां मेलाव थांखिलाइनि बिबुंथिखौ आसाम साहित्य सभानि गाहाइ नेहाथारि ड उपेन्द्रजित शर्माआ होदों। बे मेलाव आसाम

सरकारनि मन्थि रज्जित कुमार दासआ बाहागो लाफैनाइ 'सृजन' मुनि गोसोखां लाइसिखौ बेखेवनानै होयो। लोगोसेनो आसाम साहित्य सभा आरो थुनलाइनि सोमोन्दे बिबुंथि लाखिदों। गोसोखां लाइसिजों लोगोसे आरोबाव माखासे बिजाबफोरनि अनगायै सृजनग्राम शतदर दालाय थुनलाइ आफादनि 'कांस' लि मुनि बोसोरारि लाइसिखौबो बेखेवनाय जादों। साहित्य सभानि गेवलां मेलाव थांखिलाइनि बुंथिगिरि महरे मुदांखा थुनलाइगिरि ड रबिन दासआ मोनसे फोरमायथि गोनां गुवाँरे बिबुंथि लाखिदों।

## सावदरभितायाव खोला बिजनी दख 'रा एबसुनि सनाथि माइथाय फोर्बो आरो गुदि बर' थुनलाइ आफादनि 18थि जथुम्मायाव जागायजेनबाय

**भवानिपुर, 27 डिसेम्बर:** बाक्सा जिल्ला सालबारि महकुमानि सिडाव थानाय सावदरभितानि खौसेथि फोथारव दिनेंनिक्राय सानथामनि गेदेत हाबाफारिजों जुथायै एबसुनि खोला बिजनि दख 'रा' आफादनि सनाथि माइथाय फोर्बो आरो सावदरभिता गुदि बर' थुनलाइ आफादनि 18थि बोसोरारि जथुम्माया जागायजेनबाय। दिनें फुनि 8 रिगायाव बिटिआरनि सालबारि बियाबनि एमसिएलए जय मुसाहारीआ गाहाइ हाबग्रा गेटखौ बेखेवनानै सानथामनि हाबाफारिखौ बेखेवना होयो। बेनि उनावनो आदार संग्रा जायगाखौ बेखेवना होयो बाराग' एबसुनि दैदेनगिरि दिलिप कुमार बसुमतारिआ। जौसां बेखेवो एबसुनि बाराग' दैदेनगिरि बासुदेव रामसियारीआ। लोगोसेनो सावदरभिता गुदि बर' थुनलाइ आफादनि आफादगिरि सुबल गयारीआ गावसुंथा बादखौ बेखेवना होयो। लोगोसेनो गुन गोनां फोरोंगिरि रहिनी बसुमतारिआ थान्दे न', बरपेना भिसिडिसिनि मासिगिरि बाबुल बसुमतारिआ आलासि न', रामसारतारि भिसिडिसिनि मासिगिरि बिस्तरम बसुमतारिआ आदार जाग्रा जायगा, बाराग' एबसुनि दैदेनगिरि भुपेन्द्र ब्रह्मा फाहामथाय बाद, इडपिपिएलनि दैदेनगिरि तानेस्वर बसुमतारिआ थान्दे जथुमनि बादखौ बेखेवना होयो। बिफां फुलि गायजेनो हाग्रा बिबानगिरि अलकेश दास, धिराज दास, सनाथि माइथाय फोर्बो आरो जथुम्मानि



बान्जाय आफादनि आफादगिरि आखारु स्वर्गियारी आरो बड'सा खौरं बिलाइनि खौरंगिरि राजिब तालुकदारमोनहा। बेनि अनगायैबो जथुम्माखौ लोब्बा लानानै गालारम गयारी आरो सन्थलि गयारी, भलिबल बादायलायनायखौ बेखेवना होयो इडपिपिएलनि दैदेनगिरि खनिन स्वर्गियारीआ। सान्जौफुनिफ्राय खन्थाइ आवरयनाय बादायलायनाय खुंनय जायो। बेलासियाव थान्दे मेल, मोनाबिलिनिफ्राय बर' खुगा मेथाइ, गोदान मुगानि बर' देखोखौ लानानै मोसानाय बादायलायनाय हाबाफारि खुंनय जादों। मख'नो गोनांदि, दिनें सानसेनि हाबाफारिजों लोब्बा लानानै दोरोडारि बर' सुबुं हारिमु

दिन्थिदों माखासे गोदान-गोजाम आरिमुगिरिफोरा। हाबाफारि बादियै गाबेन फिफरफिला बिरहोनाय, गोसोखां मान बाउनाय, मुख्लं मान बाउनाय, बड'फा उपेन्द्रनाथ ब्रह्मनि गोसोखांथि, गुन गोनां फरायसाफोरखौ मान बाउनाय, सावराय जथुम, थान्दे मेल, हारिमुआरि मोनाबिलि खुंनय जागोन। 29 डिसेम्बरखालि साननि 8 रिगानिक्राय हारिमुआरि लामा हान्जा सुरनाय जागोन। हाबाफारि बादियैनो साननि 12 रिगानिक्राय गेवलां मेल, गोसोखां लाइसि बेखेवनाय हाबाफारि आरो हराव हारिमुआरि हाबाफारि खुंनय जागोन होना सुतुडव फोरमायदों।

## भिजय हाजारे ट्रफीआव आसामआ गुजराटजों जेनांदों

**गुवाहाटी, 27 डिसेम्बर:** जयपुरआव बादायनाय भिजय हाजारे ट्रफीआव आसामनि हान्जाया गुजराटजों 8 उडके टआव जेनांदों। जेराव बे जेनायजों आसामआ सोलिफु बे ट्रफीआव नैथि जेनायजों मोगा-मोगि जानाबाय। सिगांग्रो बेटि खालामनो थिरांथा लानाय आसामआ बेटि लाइनआपआव मिर्जिथि बादि दिन्थिफुनो हायाखै। जेराव 19.1 अभाअव आसामनि बेटसमेनफोर 75 रानल' लादों। जेराव हान्जानि जानानै



सानै बेटसमेन अपेनार सूरपम पुरकायस्थ'आ 15 आरो मुक्तार हुसेनआ 19 रान लादों। बबेखानि स्वरुपम आरो ऋषभ दासनि गेजेराव 22 राननि गिवि बाहागोदारिजों हान्जानि इनिंसआ मोजाडै सोलिदोंमोन। नाथाय बे फारिआव आसामनि हान्जाया जोबनाय लामार्थि मोजाडै बेटि खालामनो हायाखै। जेराव 9 उडके टआव आसामआ बर्ड'आव 53 रानल' दाजाबदेरनो हाहैदों। सिन्टर गाजा आरो प्रियजित सिंह जाडेजाआ गुजराटनिक्राय

गोखोडै बलिं खालामदों। जेराव बिसोर सानैआ फारियै 5 आरो 4 उडकेट लानानै आसामनि बेटि लाइनखौ जेनायाव खोखलैदों। गुबुन फार्से बेटिनि फिन्नायाव गुजराटआ 9.5 अभाअव 4 उडकेट खोमानायजोंनो थांखिनि रानसिम सौहैदों। जायनि फारिआव आरिया देसाइआ 28, उरबिल पाटेलआ 37 रान लानो हादों। बलिंनि फारिआव आसामनिक्राय आबुल आजिज कुरैसि आरो आकाश सेन गुप्ताहआ 1-1 उडकेट लानो हादों।

( 1 बिलाइनिफ्राय )

### इउबिपिअनि 1 1 थि बोसोरारि जथुम्माखौ ...

खालामनायनि खामानि मावगासिनो थानायखौ दिनें इउबिपिअनि आफादगिरि मनरज्जन बसुमतारि, नेहाथारि सुसान्त मुसाहारि, मावख' नेहाथारि सनि बर', कामरुप जिल्ला आफादनि माखासे बिबानगिरिफोरा दिनें नायगिदि हैयो। बे जथुम्माखौ खुंफुनायनि थाखाय थाग-थियारिआ गोखोडै आवगाय गासिनो आरो माखासे सानफोरनि उनावनो 100 जौखोन्दो आबुडै मावफुंजसिगोन। बेबायदिनो गाहाइ हाबग्रा लामा, गाहाइ जौसां, गाहाइ मन्दप, थान्देफोर थाग्रा बाद, थान्दे जथुमसालि, जाग्रा जायगा, आलासि थाग्रा, फिफरफिला बिरहोनाय जायगा, मुख्लंफोरसो मान बाउना थावनि, दिन्थिफुंसालि आरो मेला थावनिफोरखौ साजायनाया दासान्द्रि गोखोडै सोलिगासिनो दड। बेराफसे हारिमुआरि हान्जाफोरनि थाग-थियारि खालामनायाबो गोखोडै सोलिगासिनो दड। खौसेथि बर' सुबुं आफादनि आफादगिरि मनरज्जन बसुमतारिआ फोरमायनाय बायदिब्ला, सानथामनि हाबाफारिजों खुंजानो गोनां बे बोसोर सलिया जथुम्मायाव नागालेन्ड, मेघालय, त्रिपुरा, अरुनाचल प्रदेश, सोनाब बंग आरो नेपालनिक्राय खमैबो 2,500 सो थान्देफोर बाहागो लाफैगोन। हाबाफारिनि गिवि सानखालि एबा 7 जानुवारिखालि गाहाइ हाबग्रा गेट, गाहाइ जौसां, जामुंसालि, थान्दे बाद, आलासि थाग्रा न', दिन्थिफुंसालि आरो मेलाखौ बेखेवगोन आरो बेलासि 4:00 रिगानिक्राय जानो गोनां गाहाइ थान्दे मेलआव जर'खा आलासि महरे एबसुनि आफादगिरि दिपेन बर' आरो दुलाराय आसाम ट्राइबेल संघनि गाहाइ नेहाथारि आदित्य काक्तारिआ बाहागो लागोन। 2थि सान एबा 8 जानुवारिखालि फुंभिलि समाव आफादनि फिफरफिला बिरहोनाय, मुख्लंफोरनो बिबार बाउनाय हाबाफारियाव आसाम आइन आफादनि बुंथिगिरि बिस्वजित दैमारि, आसामनि केबिनेट मन्थि उर्खाव गोरा ब्रह्म, दर-उदालगुरि लक सभा बियाबनि एमपि दिलिप शइकिया, बिकेडिल्टउएसिनि लेडाइ गाहाइ मावफुं सोद्रोमा रमिअ नार्जरी बिथामोनहा बाहागो लागोन। बोसोरारि जथुम्मानि थामथि एबा जोबथा सानखालि जानो गोनां गेवलां मेलआव गाहाइ आलासि महरे बाहागो लागोन आसामनि गिवि मन्थि ड हिमन्त बिश्व शर्माआ। लोगोसे थांखिजानाय बुंथिगिरि महरे बाहागो लागोन बिकेडिल्टउएसिनि गाहाइ मावफुं सोद्रोमा मिहिनीश्वर बसुमतारिआ। जर'खा आलासि महरे बाहागो लागोन बिटिआरनि गाहाइ मावफुं सोद्रोमा प्रमद बर', बिजेपिनि राइज्योआरि आफादगिरि भबेस कलित्ता, गुबुन गुबुन हारि-माहारिफोरनि दैदेनगिरिफोर, फरायसा आफादनि दैदेनगिरिफोरा बाहागो लागोन होन्नानै फोरमायदों इउबिपिअनि गाहाइ नेहाथारि पिताम्बर ब्रह्माआ।

( 1 बिलाइनिफ्राय )

### सुबुं सम्पद सोरजिनायाव गोजौ सोलौंथाइआ सोलायस्तु बिफाव लायो: राइज्यो बेंगिरि

आचार्यआ बुंवावोदि, बे सोलौंथाइखौ मोनो हानाय नोंथामोननि गोब्राब नाजानाय, गावखौ बाउसोमनाय आरो गावनि थांखिनि सायाव फोथायनानै खस्थ खालामनायनि मोनसे जाकुंसारनायनि फिथाइ। आं फोथायोदि, नोंसोर गासैबो बे सोलौंथाइखौ मोननायनि गेजेरजों नोंथानि नख'र, समाज आरो हादतनि जौगाहोनायाव बिफाव लागोन। थानाय गोबाव बोसोर समनिक्राय गोजौ सोलौंथाइ, रिचार्स स्क्लार आरो गोबां फरायसाफोरनो गुन गोनां सोलौंथाइ होबोनायनि थाखाय तेजपुर मुलुग सोलौंसािलिखौबो बाख्नायो राइज्यो बेंगिरिआ। दिनेंनै बे 22थि कनभकेसन हाबाफारिनि गेजेरजों बे बोसोरव तेजपुर मुलुग सोलौंसािलिनिफ्राय उथिसार जालांनो हानाय सा 131 पिपिएसडि स्क्लार, सा 739 पस्ट ग्रेजुएट आरो सा 422 आन्डर ग्रेजुएट फरायसाफोरखौ लाफानानै गासै सा 1,363 फरायसाफोरनो सोलौंथाइनि फोरमान बिलाइखौ रान्ना नै होगोन। तेजपुर मुलुग सोलौंसािलिनि 22थि कनभकेसन हाबाफारियाव बाहागो लाखांनयनि उनाव राइज्यो बेंगिरिआ गावनि बिसिजों लोगोसे जायगानि एमएलए पद्य हाजरिकाखौ लोगोआव लाफानानै बारालुपारिया कनियकाक भहुमनिक फार्मआव दावबायहैदों। गावनि दिनें सानसेनि दावबायनायनि जोबथा हाबाफारि हिंसाबे राइज्यो बेंगिरिआ तेजपुरनि मरानाकुरि गामियाव दावबायहैयो आरो गामिआरिफोरजों दानदिसे सम सावरायलायनानै असमीयानि दोरोडारि जाग्रा आदारखौ गामिआरि सुबुंफोरजों खौसेयै जाफायो।

( 1 बिलाइनिफ्राय )

### उदालगुरि जिल्ला हाग्रा बिफाननि जुथाय नागिरसंनयाव आइन बेरेखा लामा जावनाय...

जुथाय नागिरसंनयाव हाबाफारि लादोंमोन उदालगुरि जिल्ला हाग्रा बिफाननि। हाग्रा बिफाननि बे नागिरसंनयाव उदालगुरि जिल्ला हाग्रा बिफाननि बिबानगिरि मस्ताफा आलि आहमेदिनि दैदेननायाव अरुणाचल हाग्रा बिफान, माजबात आन्सलिक हाग्रा बिफान, लालपुरव थानाय 23 नं एसएसबिनि जुथाय नागिरसंनयाव दैसांगुरिनिफ्राय लामा जावबोबाय थानाय थासारियाव गंसे फगलेन आरो नम्बर प्लेट गैयै गंसे ट्रेक्टर बोखानो मोनोब्लानो फगलेनि बिगोमाया जिपिएस बन्द' खालामना होनायाव जिल्ला हाग्रा बिफानआ जेनायाव गोम्लैदों होन्ना जरखा सुतुडु फोरमायदों। जायनि उनाव बोखानाय फगलेनखौ दौसांगुरियावनो गारबोना ट्रेक्टरखौ माजबात आन्सलिक हाग्रा बिफाननि मावखुलियाव लाबोयो होन्ना माजबात आन्सलिक हाग्रा बिफाननि बिट अफिसारआ खौरं बिजोडव मिबथिहोयो।

### बाक्सा धुपगुरिनि आजिरा मोन्नाय हाग्रा बिबानगिरि अभय चरण ब्रह्मा रूसारि जाबाय

वार्ल्ड हेरिटेज साइट मानास माहारियारि पार्कआव गोबाव समनाडै साखि मावनानै मानासनि मिथिंगायारि मोजां मोन्नाय अभय चरण ब्रह्माआ सासे मिथिंगा अन्सायगिरि, आबहावा-मिथिंगा रैखाथिनि सायाव सिगांग्रो बिफाव आजावना लादोंमोन। फरायसा जिउ, साखि मावनाय सम आरो आजिरा मोन्नाय समावबो समाजआरि बिथिडव गुबुन गुबुन जौगाखांडरि खामानियाव लोब्बा थानाय अभय चरण ब्रह्माआ सासे मुंदांखा समाज सिबियारिमोन। रूसारि जानाय समाव सानै जुलि जानाय फिसाज्ला-बिहामजो, सानै जुलि जानाय फिसाजो-बिजामादेजों लोगोसे माखासे अन्सायगिरिफोरखौ बे संसाराव नागारलानाय अभय चरण ब्रह्मनि जिउ गोमानायाव धुपगुरि ओन्सोलाव दुखुनि थासारि सोमजिदों। लोगोसेनो गुबुन गुबुन दोलो-आफादआ गोथौयै दुखु मोन्नाय फोरमायदों।

### खामारदैसा प्राइमारि कमिटि इउ.पि.पि.एलनि गोदानै दाजानाय मावफुं आफादनि ...

गाहाइ नेहाथारिजों लोगोसे गासै बिबानगिरिफोरा दिनें समायखिरा लायो। मख'नो गोनांदि, प्राइमारि कमिटिनि गोदान मावफुं आफादआव आफादगिरि महरे हितेस्वर बसुमतारि, गाहाइ नेहाथारि महरे अमर बसुमतारि आरो नबजित गयारि बिथामोना समायखिरा लायो। लोगोसे गुबुन गुबुन बिबानगिरिफोराबो समायखिरा लायो। बे समायखिरा लानाय हाबाफारियाव कक्लाबारि ब्लक कमिटि इडपिपिएलनि ब्लक क- अरदिनेटर अशक बर'आ गाहाइ आलासि महरे बाहागो लाफैयो। बिथामो लोगोसे आरोबाव मुसलपुर जिला कमिटि इडपिपिएलनि नेहाथारिफोर फारियै - चक्रपाणि बर', थैसाम बसुमतारि, मुसलपुर जिल्ला कमिटि इडपिपिएल, अबिसि चेलनि लेडाइ आफादगिरि-करुणा लामहा, कक्लाबारि ब्लक इउ.पि.पि.एलनि आफादगिरि बिपुल बर'जों लोगोसे ब्लक कमिटिनि दैदेनगिरिफोर लोगोसे इडपिपिएलनि लाइमोन आरो आइजो गांखनि आफादगिरि गाहाइ नेहाथारि आरो गोबां बिबानगिरिफोरनि नुजाथिनायाव बे हाबाफारिखौ मावफुंनय जायो।

### कक्राझारआव जनजाति आरो आलादा कमतापुर राइज्यो फिन दाफामफिन्नायनि दाबि दैखांदों

कक्राझार गोजौसिन गोजोरारि आरो थांखिगोबां फरायसालिनि गेलेमु फोथारनिक्राय मबाइलनि प्लास लाइट फोजौनानै बे गेदेत लामा हान्जा सुरनायाव जनजाति खालामनायनि दाबियाव आरो बिजेपि सरकारनि हेंथायै बायदि स्ल'गान होनानै थासारिखौ गोमखां होदों। कच राजबंसि ऐक्यमन्सआ अजद देखानाय बादिदै गिबिया खुंथाया गावसोरनि लामा हान्जा सुरनाय हाबाफारिखौ गनायथि होयाखैमोन। जायनि थाखाय पुलिसजों बाध्रा दान्थेलायनो गोनां जादों। नाथाय बाध्रा दान्थेलायनायनि उनाव पुलिस खुंथाया मोनसे लारिजों लामा हान्जा सुरनायनि थाखाय गनायथि होदों। बेल' नड कक्राझार खुंथायनि सायावबो आक्रासुआ खुद्रिखांनय फोरमायनानै बुंदोंदि, जिल्ला खुंथाया गावसोरनो लामा हान्जा सुरनायनि थाखाय सम थि खालामना होदोंमोन। जायनि समआ दिनें सान्जौफुनि 1 रिगानिक्राय 2:30 रिगानि गेजेरावमोन। नाथाय सोमोनांथावै गनायथि बिलाइ गथायनायखौ लामा हान्जा सुरनाया सम बारलानायनि उनाव एबा दिनें बेलासिनि 3 रिगायाव थायो। बेबादियाव कच राजबंसि ऐक्यमन्सआ खुंथायनि सायाव खुद्रिखांनय फोरमायदों। शैवब्लाबो हारिनि सार्थआव मोनाबिलिनि 5 रिगायाव मबाइलनि प्लास लाइट फोजौनानै लामा हान्जा सुरनायखौ जागायजेनो। लामा हान्जा सुरनाया फ्लाइअभा जानानै गासै 4 किल'मिटर लामा हान्जा सुरनायै ग्रीन फिल्डआव फैयो आरो बेयावनो लामा हान्जा सुरनाया थुंगेदों। मख'नो गोनांदि, दिनेंनै लामा हान्जा सुरनायखौ आक्रासुनि मोनै हान्जानि आफादगिरि फारियै बलराम बर्मन आरो द्विपेन रायमोनहा खौरं बिजौनि सिगाडव बिजेपि सरकारखौ गोखोडै सोखारिना नै बिधान सभा बिसायख'थिनि सिगां कच राजबंसिनो जनजाति होयाब्ला बिसायख'थियाव बिजेपि बेरेखा थाथाय लानो हुमखि होयो। बेनि अनगायैबो हारि, हा-बिथानि बाध्रा बुंनय सरकारआ गुबैयै थागिबिनि सरकार नड। सरकारआ बनीया हान्जानि सार्थनि थाखाय खामानि मावनाय सरकार होन्ना बुडो। बेनि थाखायनो बिधान सभा बिसायख'थिनि सिगां कच राजबंखौ जनजाति खालामना सरकारखौ जेनहोनो कच राजबंसि राइजो-रजाफोरा थियारियाव दड'होन्ना रोखा खालामना होयो।

### बिसगोनां फिथाइ जानानै सा 1 3 फरायसाफोरा देहा फाहामसालियाव

एन्दा फिथाइखौ जादोंमोन। फरायसालिनि गासै सा 25 फरायसाफोरा एन्दा फिथाइखौ नाजवदोंमोन। बेनिनो सा 13 फरायसाफोरनि देहाया जेना गोनांसिन जानायाव फरायसालिनि फोरोंगिरि आरो बिमा-बिफाया बिजनी महकुमा सुबुं देहा फाहामसालियाव थिसनदोंमोन। नाथाय गोजौ थाखोनि फाहामथायनि थाखाय फरायसाफोरखौ काजलगावआव थानाय जोहोलाव सोमब्ला बसुमतारी सरकारि देहा फाहामसालियाव दैथाय हरो। फरायसाफोरा आधिखालआव काजलगावनि जेएसबी सिभिल देहा फाहामसालियाव फाहामथाय लागसिनो दं। नाथाय बिसोर गासैबो खौफेदिनिक्राय उदां जाबाय होन्ना देहा फाहामगिरिया मिबथि होदों। मख'नो गोनांदि, बर'बाजार सोलौंथाइ ब्लकनि सिडाव थानाय 2 नं बेलगुरि गुदि फरायसालियाव साथाम फोरोंगिरिनि दं आरो गासै सा 114 फरायसाफोरा फरायगासिनो दं।

### 25 निक्राय 30 जानुवारीसिम मानास फोर्बो खुंनो साखा-फारा

मेल बायदि हाबाफारि खुंजानो गोनां मानास फोर्बोआव आबहावा सरेखाथिनि सायाव 'मानास बन्धु' मुनि गांसे गोसोखां लाइसि फोसावनो बान्जाय आफादआ साखा-फारा जादों। जायनि थाखाय लिर्बिदां हांखायदों गोसोखां लाइसि मानास बन्धुनि सुजुगिरि निरन्जन बर्मनआ। आबहावा-मिथिंगा सरेखाथिनि सायाव लिर्बिदां, खन्थाइ बायदिफोरखौ असमीयो-इराजी रावआव लिर्बिदांफोरखौ हांखायनाय जादों। लिर्बिदांफोरखौ फैगो 11 जानुवारीनि गेजेराव इमेल-greenmanas2001@gmail.com, manasfestival01@gmail.com एबा गोसोखां लाइसि मानास बन्धुनि सुजुगिरि निरन्जन बर्मननि व्हाटसएप नम्बर 9401063718 आव दैथायहरनो हांखायदों। मख'नो गोनांदि, गोसोखां लाइसि मानास बन्धु मानास फोर्बोनि गोवलां मेलाव हाबाफारि बायदिदै बेखेवनाय जागोन होन्ना बान्जाय आफादनि आफादगिरि सुभास तिर्कि आरो नेहाथारि प्रान्जल डेकामोनहा।


### नाग्रिजुली दख 'रा एबसुनि 20थि बोसोरसालिया...

फरायसाफोरखौ गोसो होना फरायनानै गुन गोनां सोलौंथाय लानो थाखाय खावलायो। बिथाड गावनि बिबुंथिआव बुंदोंदि, सोलौंथायानो जौनि गुदि राहा। सोलौंथायखौ जों बयनिबो सिगाडव लाग्रो थारनगोन। दुलाराय बर' फरायसा आफादआ फरायसाफोरखौ जौगाहोनाय आरो गुन गोनां खालामनो खामानि मावगासिनो। दख'न, जिल्ला आरो मिरु थाखोआव रोंगोथि सायख' आन्दाइ खुंफुंनानै आरो फरायसाफोरनि गेजेराव बादायलु गोसो सोमजिहोना गुन गोनां फरायसा सोरजिनायानो बेनि थाखि। बेजों लोगोसे आधिखालनि समाजआव सोमजिनाय समाज बेरेखा फेरा मुवाफोरनिफ्राय सांग्रां जानो खावलायो एबसुनि गाहाइ नेहाथारि खनिन्द्र बसुमतारिआ।









जनेगब myGov  
चक्काब मेरो सरकार



सत्यमेव जयते

आसाम सरकार  
आदार, सुबुं रानसारथाइ आरो परिक्रमा विफान

## गोदानै दाजानाय बिधान सभा बियाब थाखोनि गोदान रेसन कार्ड रान्नायनि थामथि आरो जोबथा खोलोब



गासैबो गोदान मुलाम्फायारिफोरा  
गाहाइ मन्थि निखावरि अन्साइ  
अन्न बिथांखिनि सिडाव जानुवारी  
2025 निफ्राय बेसेननाडे माइरं  
मोन्नो हागोन

28

डिसेम्बर 2024

फुनि 11:00  
रिगा

ड॰ हिमन्त विश्व शर्मा  
गिबि मन्थि, आसाम

### गोदान रेसन कार्ड रान्नायनि हाबाफारि

जिल्ला (एस)	गोदान बिधान सभा बियाबनि मुं आरो नं	गासै गोदान मुलाम्फायारिनि अन्जिमा	गाहाइ आलासि	जिल्ला (एस)	गोदान बिधान सभा बियाबनि मुं आरो नं	गासै गोदान मुलाम्फायारिनि अन्जिमा	गाहाइ आलासि
धुबुरि	नं 6 गलकगन्ज	15,061	मुखि आवदुस सबाना आलि सरकार, एमएलए मुखि आस्वीनि राय सरकार, बारग' एमएलए	उदालगुरि	नं 38 बारकेट्टि	8,943	मुखि दिगन्त बरमन, एमएलए मुखि यान देका, बारग' एमएलए
	नं 7 गौरिपुर	14,816	मुखि रकिबुल हुसेन, एमपि निजानुर रेहमान, एमएलए मुखि दिपा कुमार साहा, सियारमेन, डिजिडिए		नं 41 मानास	11,524	मुखि इजजि ब्रह्म, मन्थि मुखि गौतम दास, इएम
	नं 8 धुबुरि	13,911	मुखि नाजिरुल हक, एमएलए ड॰ देबामइ सनयाल, सियारमेन, डिएमवि		नं 45 बेरगाव	10,714	मुखि बिस्वजित दैमारि, बुंथिगिरि, एएलए
	नं 9 बिरसिं जारुवा	14,092	मुखि हाफिज बासिर आहमेद, एमएलए मुखि वाजिद आलि चौधुरि, एमएलए		नं 46 उदालगुरि (एसटि)	14,640	मुखि दिलिक शङ्किया, एमपि एलएस मुखि गबिन्द चन्द्र बसुमतारि, एमएलए
	नं 10 बिलासिपारा	15,148	मुखि सामसुल हुदा, एमएलए मुखि अशाक कुमार सिंधि, बारग' एमएलए मुखि जिबेस रय, सिइएम, केएसि		नं 47 माजबात	14,955	मुखि चरन बर', एमएलए मुखि दिगन्त बरुवा, इएम
गवालपारा	नं 12 जलेस्वर	6,228	मुखि आबताब उद्दिन मौलाह, एमएलए मुखि दिपक नाथ, सियारमेन, जिडिए	नं 48 तंला	15,390	मुखि दुर्गा दास बर', एमएलए मुखिमा निलीमा देबि, भिसि, एएसडब्लिउसि	
	नं 13 सोनाब गवालपारा (एसटि)	9,096	मुखि आवदुल राशिद मनदल, एमएलए मुखि धुबा प्रशाद भैस्या, क-भिसि, एसआइटिए	नं 49 सिफाझार	17,275	मुखि पर्मानन्द राजबंसि, एमएलए	
	नं 14 सान्जा गवालपारा	13,112	मुखि आवुल खालाम राशिद आलम, एमएलए ड॰ प्रकाश कारस्यब, डाइरेक्टर, एपिडिसिएल	नं 50 मंगलदइ	16,340	मुखि बसन्त दास, एमएलए मुखि गुरुज्यती दास, बारग' एमएलए	
	नं 15 धुदनइ (एसटि)	9,102	मुखि जादब स्वर्गियारि, एमएलए मुखि तानकेस्वर राभा, सिइएम आरएइएसएसि	नं 51 ढालगाव	19,279	मुखि मजिबुर रहमान, एमएलए मुखिमा कृष्णा साहा, मासिगिरि, करुपेटिया मिउनिसिपाल बर्ड	
बडाइगाव	नं 16 अभायापुरि	10,510	मुखि पनि भुसन चौधुरि, एमपि एलएस मुखि प्रदिप सरकार, एमएलए मुखि सुकेन राय, लेडाइ सियारमेन, केएसि	नं 52 जागिरड (एससि)	9,438	मुखि पियुस हाजरिका, मन्थि	
	नं 17 श्रिजंग्राम	20,270	मुखि आवदुल बातिन कन्दकार, एमएलए मुखि सुबद चन्द्र दास, सियारमेन, बडाइगाव मिउनिसिपाल बर्ड	नं 53 लाहरिघाट	11,422	ड॰ आशिफे महम्मद नाजार, एमएलए मुखि कालिलुर रहमान, बारग' भिसि, ए एम डि एफ सि	
	नं 18 बडाइगाव	15,447	मुखि दिप्तिमइ चौधुरि, एमएलए	नं 54 मरिगाव	14,324	मुखि रामाकान्त देउरि, एमएलए	
बरपेटा	नं 22 मान्दिया	14,149	मुखि रफिकुल इस्लाम, एमएलए मुखिमा अनजलि चौधुरि, मासिगिरि, हाउलि मिउनिसिपाल बर्ड	नं 55 दिहिं	10,891	मुखि आमिनुल इस्लाम, एमएलए मुखि प्रनब ज्यती लाक्रा, भिसि, एएसटिसि	
	नं 23 चेंगा	14,016	मुखि आस्त्राफुल हुसेन, एमएलए मुखि जितु तालुकदार, लेडाइ प्रेसिदेन्त, एआइडिसिएल	नं 56 रुपहिहात	12,659	मुखि प्रद्युत बरदलइ, एमपि मुखि नुरुल हुदा, एमएलए मुखिमा आम्बिका मजुन्दार, सियारमेन, नगाव मिउनिसिपाल बर्ड	
	नं 24 बरपेटा (एससि)	15,011	मुखिमा नन्दिता गार्लसा, मन्थि आबदुल रहिम आहमेद, एमएलए मुखि राजेश सरकार, सियारमेन बरपेटा रड मिउनिसिपाल बर्ड	नं 57 कलियाबर	13,642	मुखि केशव महन्त, मन्थि	
	नं 25 पाकाबेटबारि	14,030	मुखि जाकिर हुसेन सिक्दार, एमएलए मुखिमा जलि चौधुरि, सियारमेन, पातसाला मिउनिसिपाल बर्ड	नं 58 सामागुरि	15,344	मुखि दिप्पु रन्जन शर्मा, एमएलए	
कामरुप	नं 27 चामारिया	15,857	मुखि रकिबुद्दिन आहमेद, एमएलए मुखि मृजेन सरनिया, मेयर, जिएमससि	नं 59 बरहमपुर	17,300	मुखि जितु गस्वामी, एमएलए	
				नं 60 नगाव-बतद्रभा	13,811	मुखि रुपक शर्मा, एमएलए	
				नं 61 राहा (एससि)	14,570	मुखि सासि कान्त दास, एमएलए	
				नं 73 बिपुरिया	7,355	मुखि आमिया कुमार भुजा, एमएलए	
				नं 74 रडानदि	6,781	मुखि ऋशिराज हाजरिका, मेम्बार, आसाम स्टेट युथ कमिसन	
				नं 75 नाउबैसा (एससि)	8,756	मुखि पल्लव लचन दास, बारग' एमपि	
				गासै	5,15,209		